

حزین یقابل میاوو

روایت

تألیف

أحمد علاء محمد

طبعة ٢٠١٧

محمد، أحمد علاء

حُزِين يقابل مياوو: رواية/ أحمد علاء محمد - الجيزة: أطلس للنشر
والإنتاج الإعلامي، ٢٠١٦ .

١٥٦ ص، ٢٠ سم

تدمك: ٦ ٤٦٨ ٣٩٩ ٩٧٧ ٩٧٨

١- القصص العربية .

أ -العنوان

حزین یقابل میاوو

روایت

تالیف

أحمد علاء محمد



رئيس مجلس الإدارة
سرمانى محمد
م.م. ٣٣٤٦٥٨٥

عادل المصرى

رئيس مجلس الإدارة
ع.م. ٣٣٤٦٥٨٥
م.م. ٣٣٤٦٥٨٥
الإنتاج الإعلامي
ع.م. ٣٣٤٦٥٨٥

نوران المصرى

رقم الإيداع

٢٠١٦/٢١٥٦٣

الترقيم الدولى

٩٧٨-٩٧٧-٢٩٩-٤٦٨-٦

الطبعة الاولى

طبعة ٢٠١٧

الكتاب : حُزِين يقابل مياوو

المؤلف : أحمد علاء محمد

الغلاف : أحمد الصباغ

الناشر : أطلس للنشر والإنتاج الإعلامى ش.م.م

٢٥ ش وادى النيل - المهندسين - الجيزة

atlas@innovations-co.com

www.atlas-publishing.com

تليفون : ٣٣٤٦٥٨٥ - ٣٣٠٤٢٤٧١ - ٣٣٠٢٧٩٦٥

فاكس : ٣٣٠٢٨٣٢٨

إهداء

إلى من جعلتني في نص هدومي، رغم أنني كنت ملو هدومي،
إلى من قفزت عليّ، وأرعبتني في تلك الليلة الشتوية الباردة، إلى
هذه القطة السوداء، التي بسبها ركضت في الشوارع حتى انكفأت
على وجهي، قريباً سأعود وأنتقم ...

obeikandi.com

حُزِينٌ وَمُصْطَفَى

خَرَجْتُ مِنْ تَحْتِ الدُّشِّ، أُلْفُ نَفْسِي بِبَشْكَيرِ كَبِيرِ، أَحْوَِلُ أَنْ
أَقْلِدَ الأُسْتَاذَ أَحْمَدَ عَزَّ فِي فَيْلِمِ مَسْجُونِ تِرَانزِيْتِ، بَعْدَمَا ارْتَكَبَ
جَرِيْمَتَهُ البَشْعَةَ فِي فَيْلَا الأُسْتَاذِ مُحَمَّدِ أَبُو دَاوُودِ، وَذَهَبْتُ لَارْتِدَاءِ
مِلَابِسِي، اسْتَعْدَاداً لِلذَّهَابِ لِمُقَابَلَةِ ابْنِ عَمْتِي (مُصْطَفَى)، حَيْثُ
أَنَّهُ هَاتَفَنِي وَطَلَبَ مِنِّي الحُضُورَ عِنْدَهُ فِي الشَّقَةِ الَّتِي يَسْتَأْجِرُهَا
مَعَ زَمَلَائِهِ فِي العَمَلِ؛ لِأَنَّهُ كَمَا أَخْبَرَنِي سَيَدُّنِّي عَلَى أَشْيَاءٍ إِنْ
فَعَلْتَهَا؛ سَأُنْجِحُ بَعْدَ غَدٍ فِي مُقَابَلَةِ العَمَلِ الَّتِي كُنْتُ قَدْ سَافَرْتُ
القَاهِرَةَ مِنْ أَجْلِهَا. بِالتَّأَكِيدِ وَافَقْتُ عَلَى الفُورِ (أَنَا بَتَّشاً عَلَى
نَصِ فِرْصَةِ لِلشَّغْلِ أَصْلاً) وَمُصْطَفَى اللهُ يَبَارِكُ لَهُ، دَائِمَ الوُقُوفِ
بِجَوَارِي وَدَائِمًا يَنْصَحُنِي وَيَدُلُّنِي عَلَى الطَّرِيقِ الصَّحِّ... أَتَذْكَرُ يَوْمًا
مَا سَمَعَنِي أُسْبُ شَخْصًا بِأَهْلِهِ نَصَحَنِي: «بِلاشِ الشَّتِيْمَةِ بِالأَبِ
وَالأَهْلِ دِهْ كَلَامِ مَلْهُوشِ لَازِمَةٌ ... الشَّتِيْمَةُ بِالأُمِّ بِتَوَجُّعِ أَكْثَرِ» .

أَكْمَلْتُ ارْتِدَاءَ قَمِيصِي الأَزْرَقِ، وَبَنْطَالِي الجِينزِ الأَسْوَدِ،
وَحِذَائِي الجِلْدِ اللَامِعِ وَرَكِبْتُ مِيكْرُوبَاصَ، قَبْلَ الثَّامِنَةِ، أَيَّ قَبْلَ
المُوعَدِ المَحْدَدِ بِرَبِيعِ سَاعَةٍ كُنْتُ أَمَامَ العِمَارَةِ الَّتِي بِهَا شَقَّةُ مُصْطَفَى
... صَعِدْتُ إِلَى الشَّقَةِ وَطَرَقْتُ عَلَى البَابِ حَيْثُ أَنْ الجِرْسُ لَا يَعْْمَلُ
... وَانْتَضَرْتُ... وَلَكِنْ لَا أَحَدٌ يَسْتَجِيبُ ... طَرَقْتُ مَرَّةً أُخْرَى بِقُوَّةِ

بعيد ميلاده غداً... عَرَفْتُ أن الشقة متواجد بها مصطفى وعزت
وسعد النَّائم في غرفته، سَلَّمْتُ على عزت بحرارة، وَهَنَّتْ سَمِير
بعيد ميلاده، وَقَبَلْتُهُ على وجهه ولكنه مسح القُبلة بيده سريعاً
مُتَقَرِّفاً منها.

- بس شكلك اتخضيت.

كانت هذه من مصطفى ساخراً على موقف الباب، وَرَدَّيْتُ
عليه أنا سريعاً:

- لاً طبعاً ولا اتهزلي جفن!

صالة الشقة كانت مُتَّسعة، تطل على ثلاث غرف وحمام
ومطبخ واسعين، مَكَيَّفَةٌ وبها شاشة تلفزيون، فتح مصطفى
التلفزيون على فيلم النمر والأنثى؛ ليتعلم سمير كيف يكون
ضابط ناجح في المستقبل، ثم دخلت مع مصطفى وعزت غرفة
عزت، وأغلق مصطفى الباب بالمفتاح من الداخل. الغرفة متسعة
أيضاً، سقفها متوسط الارتفاع محتوياتها (سرير، ودولاب ولاب
توب وبلكونة كبيرة سُورَهَا حديدي، ومروحة سقف، وأخرى
عمود) وبجوار السرير حوالي تسع كتب، لا يظهر على أغلفتها
عناوين جَسَّتْ على السرير أنا ومصطفى، فيما جلس عزت على
الكرسي المقابل لنا، وبدأ مصطفى يشرح لي الموضوع:

- بص يا حُزِين هي مش حاجات لو عملتها هتنجح، هي إننا
هنجبلك حد يساعدك عشان تنجح في المقابلة بتاعة الشغل.

باندھاش حقيقي:

- مش فاهم؟!

رد مصطفى وكأنه يفتاظ مني:

-سيبني أكمل ومتقاطعينش عشان تفهم .

هزرت رأسي مُوافقَةً، فأكمل مصطفى:

-عزت قديرٌ يعرف طريقة تخليك تنجح في أي إنتر فيو تروحه
من غير ما تذاكر حرف واحد، وهي ببساطة من غير شرح كتير
مش هتفهمه... تعويذة بتتقري، وتخلي فرد من قبائل الجن
المتقفة يحضر، ويجاوب على لسانك، ف لجنة الإنترفيو تقتنع
بيك إنت...

انفتح فمي لا إرادياً حتى أَصَبَحَ فَكِّي يقترب من ملامسة
الأرض وصرخت:

-أعوذ بالله من الشيطان الرجيم!!

(ما تخافش دي طريقة متجربة، ناس كتير عملتها، وإتعيّنت
في مناصب دلوقتي) .

نطق مصطفى كلمة فاهم بمنتهى الحزم، فأكد ليّ أنهما لا
يمزحان معي، تدخل عزت في الحوار مرة أخرى:

- ما تخافش دي طريقة متجربة.

- لا يا جماعة بلاش... قلة الشغل مش هتموتني، بس
العفريت ممكن يموتني ...

قطع عزت كلامي:

- اسمه جن ما تقولش عفريت عشان بيتقمص... وممكن
يؤذينا.

- وكمان هتجبولي واحد من اللي هما أعوذ بالله الشيطان
الرجيم قماص!

استطرد عزت كلامه:

-إحنا دلوقتي هنجرب إنه يجي لمدة خمس دقائق يلبسك
فيهم، عشان نطمئن وبعد الخمس دقائق هو هينصرف لوحده،
ونحضره تاني بعد بكره عشان المقابلة لمدة خمس ساعات.

- هو أعوذ بالله بيتفائل برقم خمسة ولا إيه؟

- لأ... بس مكتوب عندي إنه بيحضر خمس دقائق، أو

ساعات، أو شهور أو سنين، وبعدين ما تخافش إحنا هنعمل مقابلة
بسيطة بينكم؛ عشان تتعرفوا على بعض دلوقتي مش أكثر.

وكأنه يعزمني على جلسة زواج!

-! لا ده حبيبي وده فوق فوق راسي من غير ما
يجي ولا يتعب نفسه.

وجه مصطفى كلامه لي:

- ما تخافش إحنا بس هنطمن إن كل حاجة صح.

ياعني انتو تطمنوا وأنا أموت!

وكأنني لم أقل شيئاً، قام مصطفى ووضع مخدة خلف ظهري،
فيما مسك عزت كتاب كان لون غلافه أخضر فاتح، ونظر في
عيني وقال لي:

-استرخي وافرد جسمك وما تفكرش في أي حاجة دي شكة
دبوس!

الطلب المناسب في الوقت المناسب ... إذا خرجت من هذه
الغرفة سالماً سأقطع علاقتي بمصطفى .

ثم سكت اللاب توب فجأة ... فقولت:

- هو في إيه ياجدعان بالظبط مالكو؟

كانت هذه جملتي والتي رد عليها عزت بخوف:

- ده اللاب توب بتاع مصطفى ومِسَقَطَّ ويندوز من شهرين .

- نعممم!!

وقال مصطفى بصوت مُرْتَعِشٍ :

- وأنا معنديش الأغنية دي على اللاب من أصله .

- يا عني إيه بقى مش فاهم!

قام مصطفى ليغلق اللاب توب، وقام عزت من على صدري،
وَتَمَعَّنَ في قراءة الكتاب الأخضر الذي بيده، عُدت أنا لوضع
الجلوس، لم تكتمل لحظات بعدما أغلق مصطفى الجهاز، حتى
انفتح مرة أخرى على أغنية أخرى وبصوت أعلى:

((معلش ماهي غلطتي، ماهو دي جزاة رقتي ،لو دقت يوم

قسوتى قلبك مكنش اتغر))

في فزع ابتعد مصطفى عن اللاب توب... والتصق بي!

((أنا هعمل فيك جميل، عارفاك قليل الحيلة آه، ويجد صعبت عليا، أنا هطلع بنت أصيلة مش هبقى معاك بخيلة آه، وهحنن قلبي شوية، هرحم عينيك م اللي مبكيك، واللي مخليك هتموت عليا)) قبل أن يهتج على كلمة (هتموت، هتموت، هتموت) انطفأت المروحتان، أظلمت الغرفة، انفتح باب البلكونة بدون شيء يُحركه، وتطايرت الكتب وبدأت تسقط واحداً تلو الآخر من البلكونة. زاد التصاق بعضنا ببعض، وباتت رُكْبِنَا تتخبط ونحن نرتجف، ونفقد القدرة على الكلام، وكُتِب سؤال أكبر (يّلا يا عزت نط ولا تحب أشيلك وأرميك ؟)، جرى عزت ناحية باب الغرفة يحاول فتحه، لكنه لم يفتح وكان أحداً ما من الخارج يمسك به، جَرِيْتُ أنا ومصطفى في اتجاه الباب نحاول فتحه، مع عزت ونطرقه وننادي على سعد والطفل سمير والجيران، لكن لم يُجِبْنَا أحد، لم تكتمل دقيقة حتى سمعنا صوت خبطة مُدَوِيّة، فنظرنا خلفنا وجدنا مروحة السقف سقطت على الأرض، في هذه اللحظة مسك عزت رقبته يجذب بقوة ياقة تيشيرتُهُ إلى الخارج، وكأنه يحاول إبعاد يد تخنقه وهو يصرخ:

-بَتَّخِنِقْ .. هَمُّوت .

جذبت أنا ومصطفى التيشيرت الذي يخنقه بقوة، لكنه استمر في الصراخ، واللاب توب يصرخ بجملته (هتموت، هتموت)،

لمحت مقص ساقط أقصى الغرفة فجريت عليه وحملته وذهبت إلى عزت.

قصص التيشيرت من الخلف وشدته، فانفك من عليه.

- البلكونة.

كانت هذه كلمة مصطفى في إشارة منه للهروب من البلكونة، لكنها أُغْلِقَتْ بسرعة أسرع من سرعة حركتنا، حاولنا فتحها ولكنها كانت مغلقة بشدة مثل الباب تماماً، وفي فزع أشار مصطفى إلى شاشة اللاب توب وقد كُتِبَتْ عليه جملة:

(عاملي بطل بتتقده، طيب أنا هجيلك إنت).

إنت؟ يقصد من يانت ؟؟؟؟؟ غالباً يقصد الكائن قليل الحظ في الدنيا، المأسوف على شبابه الذي جاء برجليه للجحيم (أنا)!

بدأنا نصرخ على صوت واحد:

-إنقذووووونا... إلحقووووونا

واللاب توب هو أيضاً يصرخ:

(هتмот.. هتмот.. هتмот)

لكن فجأةً أنارت الغرفة وأسودَّت شاشة اللاب توب، وسكن تماماً، ودارت المروحة العمود، واستجاب الباب للفتح، فخرجنا من الغرفة نهرول، فوجدنا شاب يشرب الشاي، والذي عرِّفت أنه سعد فَبَادَرْنَا هو بالسؤال:

-انتو كنتوا بتعملوا إيه جوه ... خبطت عليكم كثير ... ما كنش طالع ليكم صوت!

.....-

لم يكن هناك وقت للرد عليه؛ فقط تسابقنا نحن الثلاثة لدخول الحمام بالنسبة ليّ كان دخول الحمام كأول شخص، أمر لا مفر منه حتى لا يتحملون عناء تنظيف الأرضية .

حكينا له ما حدث، وفي النهاية اقتنعنا أن من حَضَرَ كان شراً جاء بالخطأ، كما لاحظنا أنه أتى بالتعويذة، التي اشترطت عليه خمس دقائق فقط وبعد الخمس دقائق اختفى، ولولا ذلك لكان قتل أحداً منا على الأقل ... ساد صمت بيننا .

(بوووووم، بووووووم، بووووووم)

فزعنا نحن الأربعة بشكل مبالغ فيه قبل أن يهتف سمير

فيينا:

. آمان يا رجالة أنا مش هطلع ظابط، أنا هطلع عبده

القماش!)

اقترح عليّ مصطفى أن أبات معهم هذه الليلة، طلبت منه أن يتركني أرحل؛ لأنني لن أستطيع النوم في هذه الشقة أبداً، تتم عزت:

- مش عارف إيه اللي حصل مع إن دي طريقة متجربة!

ردّ عليه مصطفى :

- لو نطقت كلمة فيها حرف الجيم، أو الميم، أو التهّ لمدة أسبوع أنا اللي هرميك من البلكونة يا ابن الكلب.

- لا يا مصطفى مش كدة؛ انت اللي علمتني إن الشتيمة بالأم بتوجع أكثر... هو إنت يا عزت جربتتها قبل كدة؟

- لأ... بس اللي قالي عليها حلفلي إنها متجربة!

-

نظرنا له جميعاً باشمئزاز يتفوق على نظرة كلب لؤلؤ ابن ناس لكلب بلدي أشاء هرشه برجله الخلفية للتخلص من القمل. في طريقي خرجت إلى الشارع الرئيسي لاستقل ميكروباص،

كانت الأحداث تدور في ذهني مجعته، اتصل بي مصطفى وجئت له، قابلته هو وصديقه عزت، عرفوني أن فكرتهم تتلخص في إحضار جن من قبائل المُتَقَفِّين؛ سَيَلِبَسَنِي ويجعلني أنجح في مقابلة العمل، قرأ عزت تعويذة سحرية للتأكد من فاعليتها، لكنها كانت مشروطة بأن يحضر الخادم خمس دقائق فقط، ولكن ما حضر كان جِنِّي مُؤَذِّي من قبائل «ذا فويس» على ما يبدو، أراد أن يقتل عزت وبعدما أنقذته، فكر في قتلي ولولا إن وقته انتهى كان قتلني بالفعل فحمدت الله إني خرجت من الشقة سالمًا وبكامل أعضائي... لم أفق من أفكاري إلا وأنا داخل ميكروबाص كان يشغل مهرجان شعبي.

حاولت التراقص معه ونسيان ما حدث معي في هذه الليلة العصبية:

((هو انت فيك إيه إيه مضبوط ...))

لا رفر ف نافع ولا كبوت حتى البيضة مافيهاش كتكوت

يعنى نعيش بقى ولا نموت

الوسادة الخالية تعبت منى ياغالية

ده حبيبي لابس برنيطة..

ومعلق في رقبتة شريطة (...))

انتهى المهرجان ،وبعد تلقاءً انبعثت أغنية ياسمين نيازي
(قليل الحيلة) قبل أن تقف الأغنية وتعلق على كلمة (هتмот...
هتмот... هتмот... هتмот) .

-الجهاز بتاعك ده شكله قديم يا سطي؟

كانت هذه عبارة أحد الركاب والتي رد عليه السائق:

أبدًا والله دنا لسه شاربه، وبعدين أنا معنديش الأغنية دي
على الفلاشة، هو مش راضي يفصل ليه؟؟؟ ... يا جماعة حد
بيفهم فيه؟!

لو خرجت سالمًا من هذا المايكروباص سأقطع علاقتي بعمتي
نهائياً .

...

- حاضر.
- وما تقعدش ترقص على الأغاني لوحدك زي المهايل .
- حاضر.
- والغسيل تحطُّه في الغسالة ... ما ترمهوش تحت الحوض.
- حاضر.
- ما تجبش صحابك الولاد في الشقة .
- حاضر.
- ما تجبش بنات في الشقة.
- كانت هذه الأخيرة من أبي.
- والله أنا عارفة هاجي الأقي الشقة مقلوبة بسبب عمالك
السودا.
- أمي - ست الحبايب -
- !!!!.....-
- حدث تأخر في موعد الطائرة ... وهو ما جعلني أنتظر في
المطار حتى الساعة الواحدة صباحاً.

- ما فيش فايده!

تركتها وذهبت لممارسة طقوسي في أحد أيام أجازة نهاية العام الدراسي المباركة، والتي تتلخص في طقس واحد هو لعب الـ(PES) ١٢ ساعة يوميًا عند أحمد هندي، حيث تجتمع شلتنا المكوّنة من أربعة أشخاص (أنا وأحمد وهيثم وإبراهيم) يتخلل هذا الطقس العظيم الكثير من المأكولات، والمشروبات التي تساعدنا على التركيز والوصول إلى أفضل النتائج والمهارات الممكنة والغير ممكنة!

... بعد يوم حافل من اللعب ببرشلونة واكتساح جميع الفرق، رجعتُ إلى شقتنا متعبً أصابع اليدين... ودخلت لأنام... لكن فجأة سمعت صوت على الباب يشبه الصوت الذي سمعته أمس، التفت إلى الكنبه فوجدت القطة مسترخية في مكانها... اندهشت وفتحت الباب فوجدت كلب أسود صغير ينظر لي (هوووو... هوووو... هوووو).

- نعم إنت كمان عايز إيه ؟

- نظر إليّ نظرة ذات مغزى تشبه نظرة القطة بالأمس، ونبح.

- هوووو.. هوووو.

- جاءت القطة ووقفت عند الباب بيني وبينه وبغضب
صرخت .

- ناووووو .

وكأنها تقول له (مش هتدخل).

- طيب إيه رأيك هيدخل ،ده بيتي مش بيتك فاهمة ولا لأ ؟

نطقت هذه الجملة منفعلأً :لردع هذه القطة حتى لا تشعر
أنها صاحبة البيت وأكملت له :

- ادخل وما تعملش مشاكل معاها فاهم ولا لأ؟

- هووو ... هووو .

- مافيش فايده... موعود أنا بمقابلة الأغيبا... صبرني
يارب .

عندما نمت رأيت في حلمي مجموعة الرجال الخمسة ذوي
البشرة الصفراء والشعر الأزرق - رجال أصحاب حلم الأمس -
يجلسون على المقاعد، ويرمقون بغضب أربعة رجال لهم بشرة
خضراء، وشعر أصفر يجلسون على مقاعد في الجهة المقابلة لا
أعرف من أين أتوا بها هي الأخرى، ووضعوها في شقتي! قبل أن
يقوم واحد من أصحاب حلم الأمس ويصيح:

- إوعى تقولي إنك إنت كمان عايز تبات؟

نطقت هذه الجملة باندهاش، فيما رد وهو ينظر إليّ وكأنه
يجيب على سؤالِي:

- هَو ... هَو.

- آسف يا كابتن أنا مش فَاتِحَهَا مَلْجَأً.

- هَو ... هَو.

- هي طيبة قلبي دي اللي موديانِي فِي داهية.

- هَو هَو هَو.

- هتتونو هتهوهو هتمأمأ، ما تحاولش مش هضعف المرة

دية ... دننا حتى غبي زيهم ما بتتكلمش!

أغلقت الباب، نظرت لأطمئن على الشباك فوجدته مغلقاً،
شعرت باحتياجي لشرب لتر من الماء على الأقل، فاتجهت إلى
الثلاجة.

- ماشي ... ماشي هي جت علياً أنا يا ابن الكلب.

انفتحت عيناِي إلى أقصى اتساع، هذا الصوت كان عالي
ل للغاية من أين يأتي؟!!

أعتقد إنه يأتي من خلف الباب! أتمنى ألا يكون ظني صحيح، بسرعة عدت وفتحت الباب فوجدت الكلب الأسود ينظر لي، ولم أجد أحد آخر!

هل يكون مقلب من أحمد هندي والشلة؟ فهم يعرفون أنني أجلس بمفردي في البيت كما أنني حكيت لهم على موضوع القطط والكلب... بالتأكيد هم... وعليّ أن أحرق مراكبهم قبل تصل إلى الشاطئ؛ حتى لا ينتصروا عليّ.

- مين اللي اتكلم دلوقتي وشتمني؟ أنا عارف إنك إنت يا هندي؛ هي نفس نبرة صوتك الوحشة... اطلع... إنت فين؟

كان الكلب الأسود الكبير يحدق فيّ، وهنا حدث أغرب شيء ليّ على الإطلاق، وربما أغرب شيء في الحياة كلها... وجدت الكلب يُحرك فكيه ويخرج منه صوت أجش آدمي، وينظر في عيناى ويحدثني بثبات:

- هندي مين وفنزولي مين! هو في حد واقف غيري هنا يا غبي؟

كان هذا فوق طاقتي على التحمل حيث أظلمت الدنيا من حولي وسقطت.

—!!

— آآآآآآ آه إيدك ثقيلة.

— إنت اللي نأيتي... يا مهبوش هعههعهه.

كان هذا الحوار بين الممرضة والشخص الذي يتمدد بجانبني، وأنا لا أعرف هل هي تتحدث مع أحمد هندي، أم مع الكلب أم مع شخص آخر بسبب الظلام فناديت عليه سائلاً:

— هو إنت أحمد هندي صاحبي ولا إنت كلب؟!

لم يرد علي!

دخل شاب يرتدي بالطو أبيض يبدو من هيئته أنه طبيب وجّه كلامه إليّ:

— حمد لله على سلامتكم، إيه اللي حصلك؟

أجبت بصوت من استيقظ للتو من النوم:

— الباب خبط روجت لقيت كلب بيكلمني... هو اللي

نايم جنبي ده كلب أسود ولا بني آدم اسمه أحمد؟!

بنبرة تدل على شكّه في قواي العقلية:

— بني آدم طبعاً، واسمه أحمد.

- أصل بَكَلَّمَهُ ما بيردش!
 - واخذ حقنة مسكن قوية.
 - هو أنا عندي إيه يادكتور؟
 - صدمة عصبية ... ما تقعدش لوحدك تاني، وركز وسيبك من الكلاب والكلام الفاضي ده ... عشان اكتبلك على خروج بُّكرا، وإلا هحولك قسم أمراض نفسية.
 - فكرت أن أدافع عن نفسي وأن أخبره أنني لست مجنون، لكني تذكرت أن لا أحد عاقل سيصدق ما حدث، فهزنت رأسي وكأني أتفهم كلامه وسألته:
 - هو أنا بقالي قد إيه هنا؟
 - خمس أيام .
- خرج هو، فيما سرحت بخيالي في خمسة أيام قضيتهم نائم، وهل ما حدث لي هذا حقيقي أم أوهام كما يقول الدكتور، وإذا لم يكن حقيقي؛ كيف أتيت إلى هذه المستشفى؟ ومن الذي أوصلني إلى هنا، وما الذي حدث لأحمد صديقي، وجدتي أغمض عيني وأذهب في النوم وأنا أرى أنني عدت إلى الشقة، وجدت المعركة الكبيرة مازالت مشتعلة بين الرجال أصحاب الحلم الأول والرجال أصحاب الحلم الثاني.

تركني ورحل ... للأسف لثاني مرة نسيت أن أسأل عما
حدث لأحمد!!

- آآآه يا بطني... آآه.

كانت هذه من أحمد، يبدو إنه استفاق ناديت. عليه:

- يا هندي ... ياااأحمد.

-

- هو إنت هندي ولا الكلب؟

- كلب مين يا غبي ... أنا مش قادر أنكلم.

((كلب مين يا غبي)) بالتأكيد هو أحمد صديقي

سألته بشغف:

- أيه اللي حصل؟

- بعد ما طلعتنا عندك الشقة، جيناك وطلعتنا بيك على

المستشفى، وأنا راجع لقيت كلب أسود شكله غريب ...

آآآه ... واقف قدام باب عمارتك ... آه ... حاولت أمشيته،

نط وعضني في بطني ... آه ... آه يا بطني.

- يبقى هو ده الكلب اللي كلمني.

- كلمك! ... آه يا بطني!!

دخلت الممرضة القصيرة وفي يدها نفس الحقنة وأعطتها لأحمد، الذي تألم من يدها مثل المرة الأولى، بعدها خرجت. عاد الحاج رحيم ومعه رجل ستيني قصير يرتدي سروالاً وقميصاً غير مكويين، وفي وجهه شارب أبيض كث، رغم ملامحه الطيبة، لكن على وجهه الوجوم ونظراته بها حدة، وجانب عينه اليسرى به زُرقة بشكل غريب، عرفت من الحاج رحيم أن هذا الرجل هو عم صبحي، الساكن الجديد في البيت الكبير الذي يقع على ناصية الشارع، وقال الحاج رحيم ليّ أنه الوحيد الذي يفهم موضوع هذا الكلب الأسود الذي أثار الذعر والرعب في الشارع، شرحت له ما حدث وما أتذكره في هذه الليلة، وأيضاً حكيت كل شيء حدث منذ سفر أبي وأمي، القطة التي وجدتتها عند حائط بيته، وحاولت مساعدتها بعلبة تونة ولكنها لم تأكل وجاءت الشقة إليّ وباتت، وثاني يوم جاءني كلب صغير وبات ليلته عندي، وثالث يوم جاءني هذا الكلب الأسود الكبير المتكلم، وحكيت له عن الأحلام الغريبة التي رأيتها ... صمت صبحي فترة ثم اقترب من عيني وكأنه ينفخ فيها!

-إنت بتعمل إيه؟! سألته بهلع.

أكمل عم صبحي كلامه :

- الراجل ومراته جابوا رقمي من خلال وسيط واتصلوا بيا ؛عشان أساعدهم، ومن قبل ما ادخل البيت عرفت اللي فيه، وقعدت شهر أحاول أطرِد السكان التُّقال دول من البيت، بسايسهم عشان يطلعوا من غير ما يضرُوا حد، أو يعملوا حاجة في البيت لحد ما خرجوا، وكنت فاكِر إنِي لما أطردهم بره البيت يبقى كدة احنا انتصرنا، بس العفاريِت دول إتشكلوا في صورة حيوانات وقعدوا في الشارع ولما جولك كانوا طالبين سكن بدل اللي طلَعوا منه .

- شعرت ببرودة في أطرافِي رغم أننا في أغسطس،
إدَّا من أدخلتهم بيتي وكنت أنام بجوارهم وأحدثهم كانوا عفاريِت !

تكلّم الحاج رحيم:

-انت لما دَخَلت القطة طمعوا في الشقة وجِه بعدها الكلب،
وبعدھا الكلب المتوحش اللي عض ثلاثة لحد دلوقتي، وواقف عند
عمارتك مستنيك .

قفز قلبي من ضلوعي .

- مستني يُعضني !؟

- لأ، هو مستني تاذن له، وتدخله الشقة.

أجاب عم صبحي:

- لا ما شاء الله جن مؤذب.

- عشان هما عندهم أصول وأعراف أحسن مننا كمان أنا عارفهم كويس.

-

- من الآخر الجن اللي في صورة كلب بلدي كبير ده كان عايز يلاقي مكان، ولما دَخَلَتْ صِحَابُهُ عندك في الشقة اتشجع وحاول يستأذن، وبعد كدة إنت دخلت المستشفى وهو قاعد في الشارع، ولو حد قرب منه بيعضه، لحد دلوقتي عض ثلاثة من بطنهم، ولو شاف زحمة أو ناس كتير بيختفي، ولو إنت رجعت هيرجع وهيحاول يدخل الشقة معاك، ولو رفضت ممكن يُضرك ... أو ما يعملكش حاجة ويعضك في بطنك بس.

- ودي بسيطة يعني؟!؟

- آه آه يابطني.

- كان هذا صديقي أحمد هندي.

- في حاجات أصعب من العض ممكن يحرقك أو يجننك أو يأخذ حِثَّةً من جسمك، الموضوع أصعب من العض بكثير، ده غير العفاريت اللي انت دخلتهم ممكن في أي وقت لو ضايقتهم؛ ممكن يضروك ويظهر ليك وجههم الحقيقي.

- يا عني أنا كدة خلاص ضعت؟! استطردهم صبحي شرحه لمأساتي:

- بص يا حُزِين ،الجن لما يسيب القبيلة بتاعته ويروح يعيش مع البني آدميين، غالباً بيتشكل في صورة كائن حي بتبقى قوته من قوة الكائن ده، يا عني لو لبس قطعة بيبقى قوته إنه يخربش بس، أما لو لبس بني آدم عجوز زي حلالي مثلاً، بيبقى قوته محدودة مش زي لو لبس جسم شاب صغير يقدر يضرب ويجري، ولو الجسم اللي فيه الجن ده مات أو حد موته لازم ساعتها يخرج منه؛ لأنه هيتخفق جواه ويدور على جسم تاني، بس لازم الجسم التاني ده يكون غير مُحَصَّن ؛عشان يقدر الجن يسيطر عليه.كمان في أنواع من الجن بيبقى عندها قوة زيادة، بتقدر تضيف قدرات للجسم اللي هي فيه ،زي مثلاً الجن بتاعنا ده قدر يخلي جسم الكلب اللي هو فيه يتكلم ويشتمك وهكذا ؛لأنه من قبائل الذادو، ودول التخلص منهم بيبقى

- قصدك إنت يا حاج رحيم اللي هتهدّيه صح ؟

- على عيني يا حزين يا ابني بس أنا بخاف من الجماعة
البُعدا دول أوي، وكمان مش ضامن رد فعل الجن الشرس
ده لما نضحك عليه، إنت لسه شباب وممكن تستحمل أي
حاجة.

-

- آه آه يا بطني.

هذا كان أحمد هندي يبشرنني!!

خَرَجْتُ من المستشفى أتمتم بكل آيات القرآن التي أحفظها.
جلست أنا والحاج رحيم على مقهى في أول الشارع، فيما أخذ عم
صبحي مفاتيح الشقة وصعد ومعه مبخرة...

وكنا قد اتفقنا إنه عندما يستطيع التخلص من القطة والكلب
- اللي مش قطة وكلب - سيكلمني على التليفون لأصعد له، وإذا
حدث شيء سأتصل بالحاج رحيم ليصعد لنا.

بعد ثلاث ساعات من الانتظار رن عم صبحي عليّ، وكانت
هذه هي الإشارة، تحركت، ولأن الإنسان في هذه الحياة لا يملك
غير بطن واحدة؛ وضعت قطعت ورق من الكرتون المقوى ما بين

كان هذا صوت صبحي، فتحت الباب بحذر لأتعرّف على ما يجري؛ فرأيت الكلب تحول إلى كتلة لهب على شكل كلب وتضاعف طوله مرتين، وصبحي يصرخ يئ:

- إبعد إبعد ... يا حُزين إفضل الباب عليك ... إنت مش مُحصّن .

كان هذا قبل أن أشعر بسخونة شديدة بجانبني نظرت نحوها، فوجدت باب المطبخ يشتعل ويتآكل فابتعدت للخلف، فأجفّلتني صوت أجش ليس له مصدر محدد يأتي من جدران الشقة الأربعة:

- عشان تعرف إني لما قولت عليك إنك ابن كلب كان عندي حق .

النظرية الرياضية تقول إنه بجمع الصوت الذي يتحدث الآن، بالإضافة إلى كلمة عم صبحي بأني غير مُحصّن ؛سيكون الناتج المنطقي إني لو كنت محظوظ ... سيأكل هذا الكلب بطني فقط ! مسكت تليفوني وطلبت رقم عم رُحيم قبل أن يرد عليّ، وجدت الكلب الأسود مرة واحدة خلفي، وهو يزمجر وينبح ويقترّب مني،

أصبحت النار تشتعل في الباب من خلفي وهو أمامي، لم أجد غير أن أستسمحه لعله يتركني:

- والنبي ياعمو أنا آسف بس بلاش بطني والنبي... -

قفز مرة واحدة إلى بطني وعض الكرتونة، وسحبها وعندما شعر بأنها كرتونة؛ تَضَخَّ حجمه ثلاث مرات ونظر لرأسي التي أصبحت أدنى من رأسه واقترب، فأغمضت أنا عيني، وشددت عضلات بطني ورددت الشهادتين، قبل أن أجد يد تمسك كتفي وتدفعني إلى الخلف بقوة فخرجت من المطبخ، كانت هذه يد عم صبحي، الذي اقترب من الكلب وقذف عليه بوردرة بيضاء، فتراجع الكلب خطوتين إلى الخلف واصطدم برف الحلال الذي سقط محدثاً صوتاً مُدَوِّياً، لكنه تماسك من جديد، وقفز بقدميه الأماميتين على صدر عم صبحي، ودفعه وهو ينبح إلى الحائط المقابل الذي كان خارج المطبخ بخمسة أمتار ليستقط عم صبحي مغشياً عليه، ويعود الكلب الأسود - اللي مش كلب - ويرمقني بعينين يتطاير منهما الشرر قبل أن يقف أمامي، وأسمع الصوت من كل أرجاء الشقة ثانيةً:

-أنا خلاص هموت بس هموتك معايا يا ابن الكلب!

- طيب موتني بس ربنا يخليك ملكش دعوة ببطني!

لكن فجأة انفتح باب الشقة، وظهر الحاج رُحيم وهو يُكبر
ويقذف في عينيه البودرة البيضاء، فزمجر ونبح، وحاول أن يقفز
عليه، ولكنه نبح بحشجة هائلة وبات حجمه يصغر ويصغر حتى
انكمش بسرعة، وسقط على الأرض غير قادر على التحرك!

- إيه اللي حصل لعمك صبحي؟!

كانت هذه العبارة من الحاج رحيم بعد أن وجد عم صبحي
يفترش الأرض؟

- الكلب خبطه في الحيطه، اطلب له الإسعاف، وخليهم يعملوا
حسابي معاهم، كان هذا قبل أن يُظلم كل شيء من حولي وأسقط
على الأرض ثانيةً.

في المستشفى وعلى نفس السرير الذي كنت نائم عليه
،استيقظت على صوت وكأنه صوت أحمد هندي:

-~~~~~ه يا بطني .

فتحسست بطني لا إرادياً؛ فوجدتها سليمة وأنا أنظر ناحيته
فلم أجده، وفجأة وجدت أمامي عم صبحي:

- عامل أيه يا حُزين دلوقتي ؟

- أنا كويس ...إنت كويس؟ ... الحاج رُحيم فين ؟

— أنا خرجت من أول يوم جيت فيه المستشفى وطردت العفارييت بره الشارع خالص، الحاج رُحيم كويس وكان هنا بيسأل عليك من شوية، وصاحبك أحمد حالته اتحسننت وطلع من المستشفى، على فكرة إنت هنا من أربع أيام، والحاج والحاجة جُمّ من العمرة، ووالدتك هنا، بس راحت تسأل على واحدة صاحبيتها وزمانها رجعالك.

— إيه اللي حصل بالظبط ؟ سألته فأجاب عم رحيم بصوت الواصل المنتصر:

— أنا لما طلعت عندك الشقة، اتكلمت مع الجن اللي كانوا لابسين القطة والكلب، وهما اقتنعوا وخرجوا بره، وبعد كدة بخرت الشقة ببخور ريحته ما بيستحملهاش الجن اللي من قبيلتهم، ولما جه الجن المُفترس قريت عليه تعويذة خنقته، وبتأثير البخور خُلّت الجسم اللي عايش فيه يضيق عليه ويلفظه، والنطنطة والحركات اللي عملها دي كانت زي ما تقول كدة حلاوة روح، وبعد كدة اختفى من شقتك، راح لبس جسم كلب بلدي كبير تاني، ولما أنا خرجت من المستشفى دورت عليهم ولقيتهم متجمعين مرة تانية في الشارع، ومستتين مكان جديد ياتوا فيه، فأقنعتهم إنهم يسيبوا الشارع خالص في سلام بدون حرب، فاستجابوا ومشياوا.

..... -

- على العموم سيبك من الموضوع ده وخلينا في المهم ،أنا زهقت من الجسم اللي أنا فيه ده قصير ،وعجوز ،ومش عارف لا أجري ولا أطول الحاجات العالية بيه، وبصراحة أنا عايز ألبسك إنت وحاسس إن الموضوع اللي حصل ده هيكون بداية صداقة عميقة بينا، والأهم من ده شقتك حلوة أوي ... ها رأيك إيه ولا إنت ناوي ترفضلي طلب؟

دخلت أمي، ألقى السلام على عم صبحي . اللي ما طلعتش عم صبحي . ثم صرخت في صرخة مدوية مجلجلة عابرة للزمان والمكان تقضي على الكائنات الحية في طريقها :

. مانى كويس أه يا زفت ... طبعاً عملت عملتك وبهدلت المطبخ وحرقت بابه، وروحت استخيت في المستشفى ؛عشان ما تتعاقبش ... لكن والله أول ما الدكتور يكتبك على خروج ، لأعاقبك وبالشبشب كمان .

..... -

- إلحقني يا دكتور الواد ابني باينه مات تاني !



obeikandi.com

حُزِين .. في قصة حب

بعد تلميعه حذاء وبختين عطر سيجعلونني أزداد وسامة،
نظرت في المرأة على كامل هيئتي، أنا الآن جاهز لمقابلة أجمل
فتاة في عيني، أثقل فتيات جيلها (جوجو)، سأضحّي من أجلها
بأجرة تاكسي حتى لا أتأخر على موعدنا .

عندما وصلت إلى الحديقة، وجدتها تفتش الأرضية وتمسك
بيديها ساندويتش هامبرجر كبير الحجم ومن حولها ثلاث قطط
ينظرون لها بطمع؛ أن تعطي لهم شيء، اقتربت منها وحييتها
باشتياق:

- جوجو ... إزيك .

ردت وهي تحاول إخراج صوتها بعذوبة من بين كمية الطعام
الذي يهرس بين فكّيها :

- حوحو ... إتأخرت ليه؟ ... مخصماك .

- معلش غصب عني ... دنا حتى جيت بتاكسي ... وحشتيني

موووت .

وهي تغمض عينيها خجلاً، وتقضم آخر قطعة في الساندويتش:

— وإنك كمان ... كنت وفرت أجرة التاكسي وجبتلي ربع

كنافة يغذيني؛ ده أنا مفتقدة السكريات من الصبح.

— معلىش يا جوجو فاتتني دي المرة الجاية... قاطعتني:

— طيب حتى قوم هاتلي ساندويتش مربى بالقشطة عشان

أسكرُّ بْقِي.

— هززت رأسي، وقمت واشترت لها ساندويتشين كبيرين،

وعدت لها، أخذتهم مني وهي متلهفة وممتنة:

— تسللمي ... تأخذ حِتَّة؟!

— لا أنا هتفرج عليكى بس ...هي دي متعتي في الحياة

هييييييييييح .

— آآآآآه هو أنا حبيتك من شوية، مهو عشان شهامتك دي

... ثم غيرت الموضوع وسألتني:

— هتيجي تكلم بابا إمتي؟

— دنا أتمنى... بس خايف يُرفضني؛ أنا لسه في تانية تجارة

وما كونتش نفسي!

— لأ أنا بابي أو بل ميفد ...

نظرت لها بعدم فهم حيث تحدثها الإنجليزية بطلاقة،
فأردفت توضح لي معنى كلامها:

— دماغه متفتحة يا عني وذوق وبهمه مصلحتي، تعالى كلمه
واربطني؛ وأنا هستاك لو العمر كله يا حوحو ... ولا إنت
بتلعب بيا زي الصبيان الوحشين؟!

— لأ طبعاً ... خلاص هجيلكم بكرة ... عشان تعري في أنا
بحبك إزاي.

— إشطة هتروح منطقتنا، وتسأل على شارع (على الراوي)
في آخره في قهوة دي بتاعتنا وهتلاقي أبويا ...

تلعثمت قبل أن تصحح كلامها .

سوري ... بابي مستنيك، أنا هديله فكرة النهاردة ... بس
أوعى تقوله إننا بنتقابل عشان ده صعب موت ... أومأت برأسي
موافقةً:

— إشطة

— تسلملي يا حوحو بمناسبة القشطة، روح اشتريلي
ساندوتش مربى من غير قشطة ... أصلها غيرت طعم
المربى في بقي.

- بس كدا ... عنيا .

- تسلمني يا حوحو .

في اليوم الثاني سرقت بذلة فرح أبي . هذه سرقة بيضاء .
لأقابل بها والد جوجو الأستاذ جوهر، ليتعرف عليّ وأمهّد له
موضوع زواجي من ابنته، دخلت المنطقة وسألت عن القهوة، أولاد
الحلال دلوني على طريقها، فواصلت السير وأنا أنحرف مع
الشارع يميناً ويساراً، حتى ظهرت أمامي يافطة (كافية البساتين)
مكتوبة بالنيون القديم، طبعاً الآن تعتقد أنني سأسأل عن الأستاذ
جوهر، وأنا أيضاً كان هذا في خطتي بالضبط، لكنني لغيتها
بسبب ما رأيت ... وجدت بني آدم لا تؤاخذني على كلمة بني آدم
هذه، في أواخر أعوامه الأربعين، ملامحه تكاد تتطابق مع ملامح
جوجو، أنا بالفعل أحمق كان يجب أن أتوقع أن ثلاثي التي أحبها
- جوجو - لن يدها إلا شخص - لا تؤاخذني في كلمة شخص هذه
- بمواصفات مارد فطوّلهُ يقترب من السقف، وعرضهُ يقترب
من المتر ونصف، يجلس على طاولة خشبية، نعم على طاولة
خشبية وليس كرسي عادي، وهذا من البديهيات حيث يستحيل
وجود كرسي في العالم صنعه مصنع بشري سيسعه أو يتحمّله،
يجلس على الطاولة وهو يرتدي جلباب بلدي أسود، وشعره واقف
منكوش، وكأنه هارب من أيام كفار غرابا عك .

بجواره الشيشة وكوب شاي، وأسفل الطاولة التي يجلس عليها يوجد منفاخ يدوي لونه أحمر، يمسك طفل بالكاد يُكمل العشر سنوات من عمره من ياقته، ويطوحه يميناً ويساراً وهو يصرخ فيه:

- إنت بتسرقني يا بن الـ (...): خمس ساعات بتلف بالتوكتوك ما تكملش الميت جنية؟

- يا معلم والله ما فيش زباين.

هذه كانت من الطفل وهو يصرخ ويحاول الخلاص من بين ذراعي الوحش.

- بص يا واد أنا هسيبك كمان ساعة، عارف لو مجبتليش الميت جنية كاملة؛ أنا هجيب أبوك من بيته وهنفخه بالمنفاخ ده، وأشار إلى المنفاخ الذي أسفل طاولته، وهعلقهولك على باب القهوة دي ... يّلا أمشي .

مع هذا المشهد طار ذهني إلى ما تحكيه ليّ جوجو وهي تستخدم مصطلح (بابي) والبذلة التي أرديها وعدم ملاءمتها لتكوين هذا الرجل - آسف - هذا المارد .

- بتبصلي كدة ليه يا كابتن؟ ... عايز حاجة فيّ الليلة السودا

دي؟!

هذا السؤال كان من فمه الغليظ، لكنه موجه لمن؟! لا يوجد
غيري أمامه إنه بالتأكيد موجه لي!!

- إنت شحات أطرش ولا إيه؟! -

حاولت أن أتمالك نفسي وأسحب نفس لرتتاي لعله يُشجعني
على ما أنا مُقدم عليه.

- أنا حُزين وجايك في موضوع عائلي ...
- آه هو إنت بقى... ومالك كدة مش على بعضك ليه ...
شدلك كرسي واطبلي موز باللبن وتعالى أقعد جنبي ...
نظرت له بذهول، فرد على:
- أنا صاحب القهوة ... آه ... بس إنت اللي عايزني ولا إيه؟
- لأ... من غير إيه طبعاً طلباتك أوامر يا عمي طلبت له
موز وطلبت لنفسي شاي، وجلست بجواره فبادرني وأنا
أرتشف أول رشفة من الشاي:
- بص يا ننوس عين أمك ... ولا بلاش، بص يا كابتن أنا
وأنا قاعد مكاني هنا عارف الدبانة الكبيرة النتتة بتحط
بيضها فين ... هذه الجملة القذرة أتت وأنا أرتشف
من كوب الشاي؛ فتخيلت غصب عني شكل الذبابة:

فاشمأزيت، وتركته وهو يستطرد بدون اهتمام وكأن
جملته القذرة لم تؤثر عليّ.

— وعارف إنت بتقابل البت من قد إيه، وساييكم بمزاجي ،
فمتلفش وتحور أحسن لك وانطق عايز مننا إيه، بدل ما
أنفخك بالمنفاخ الألماني ده...

ابتلعت ريقى وأنا أنظر للمنفاخ الأحمر وقلت له بصدق:

— يا عمي أنا نييتي الجواز .

— كويس ... عندك شقة؟ تقدر تصرف عليها؟ طبعاً لأ ...
بقولك إيه معاك كام دلوقتي؟!

— نعم!

— معاك كام في جيبك إخلص؟

— ١٣٠ جنية.

— هتروح تجبلنا كيلو كباب صايف من أول الشارع وتيجي؛
عشان الكلام يحلو ... بس بسرعة.

لعل هذا اختبار ليحدد به إذا كنت كريم أم لا... ولذلك
عليّ أن أضحّي؛ حتى أنال رضاه رغم أنه لن يتبقى لي شيئاً،

ذهبت وأحضرت له الكباب وعدت إليه، وكان في نيتي أن أحكي له خططي في المستقبل؛ حتى أستطيع إسعاد جوجو وتلبية كل احتياجاتها ليطمئن على مستقبلها معي.

أخذ مني كيلو الكباب ووضعها بجانبه... وبادرني:

- كنت بقولك تعرف تصرف عليها؟ طبعاً لأ، وشكلك عبيط كدة ومبهدل ... خلاصة الكلام عشان مش فاضيلك روح جيب شقة، ومهر، وشبكة بميت ألف جنية، وتلاقي شغلانة تأكلها منها وتعالى أخطبها، وقدامك مهلة ست شهور، ولحد ما ده يحصل تقطع علاقتك بجوجو خالص ... عايز حاجة تاني؟

- حضرتك ده مستحيل يحصل لاني لسه قدامي سنتين على ما أخلص كليتي، ممكن تمد لي الفترة تلت خمس سنين ... ابتسم وهو ينظر لي بدهاء كأنه سيفترسني :

- لأ .

- طيب ممكن أفضل أقابلها عادي لحد ما تتخطب؟

- إنت راجل إعمل كدة وأشار بيده إلى المنفاخ.

- طيب ممكن كباباية واحدة؛ أصلي كنت عامل حسابي إننا

هنتعشى مع بعض؟

- أنا كدا هقوملك .

- لا خلاص الطيب أحسن.

هذا الرجل زرع سكينة طولها خمسة أمتار في قلبي، سيتسبب، بحماقته في تفريق قلبين عن بعضهم، سيجعلني أتألم من فراق الفتاة الوحيدة التي أحببتها؛ ربما أنحرف بعدها وأرتكب جريمة قتل، أو أدخل مِصْحَةَ نَفْسِيَّة، وربما أُكُونُ ثروة كبيرة تجعل هذا الرجل يتدلل إليّ، ويأتيني لكي أتزوج ابنته، وربما هي تحزن علياً وتزيد من جرعات أكلها حتى تتضخم وتتفجر، ويسير هو حافياً بجلباب ممزق حزناً عليها ... انتظرت حتى ابتعدت مدة كافية، التفت ورائي فوجدته يأكل من كبابي فزعقت بأعلى صوت عندي:

-يا رب يجيلك مغص .

عدوت وأطلقت العنان لقدمي ولم أتوقف حتى وصلت إلى البيت ... تلقيت مكاملة من جوجو وأنا أشعر بمرارة الفراق فخرج صوتي حُزِين منكسر:

- ألو .

- ألو يا حوحو .

- أبوكي رفضني يا جوجو رفضني ... رفضني أنا بتقطع من جوايا ونسيت طعم الفرح ... يا جوجو . جاء صوتها متماسك:
- يا بني إنت هتقلبها دراما وأفلام ليه؟
- أمّال اعمل إيه يا جوجو دنا رَوّحت جري؛ عشان أبوكي دبسني في كيلو كباب وما كانش معايا فلوس مواصلات.
- بجد ... طيب أنا هقفل عشان ألحق آكل!
-! ليكي نفس بعد ما مشروع جوازنا فشل؟!
- دي حاجة ودي حاجة تانية خالص ... يا عني أفكر وأنا على معدة فاضية ،هاكل وأكلمك أكون لقيت حل ... باي يا حوحو.
- باي .



لم تُفلح مكالمتي مع جوجو بعدها في إيجاد حل ... رغم أنني اقترحت عليها أن نتخلص منه عن طريق وضع سُم في كيلو كباب آخر سأشتره له، لكنها اعترضت (ده مهما كان بابي برضه يا حوحو)، تشاجرت معها؛ لأنها تلوّث لفضة بابي التي لا يمكن أن تطلق على شخص مثله، إلا لو قارناه بعفاريث جهنم:

- المَعْلَمُّ جوهر وبابي! إزاي يا عني يا جوجو؟

مش لايقة ... بابي دي بتاعت واحد برنس زي الأستاذ حسين فهمي، أو الأستاذ عزت أبو عوف مش راجل فاضله أربع كاوتشات وسلسلتين ويبقى كراكة... ردت وهي تعاتبني:

- لا حظ إن كلامك جارح ... وأنا مش ناقصة ... جعانة أصلاً.

- بصراحة كل ما افتكّر حركة الكباب دي مش بقدر أسامحه ... يبدو أن كلامي جعلها تتذكر طعم الأكل فتهلل وجهها:

- الكباب كان جميل ... أنا لحقت آخر تَلَّتْ حِتِّتْ ... تسلم إيدك بجد!

- بجد عجبك؟!

- آه ... أوي ... أوي أُبْقَى أكلني كل ما يبقى معاك فلوس .

- عنيا يا عونيا ...

أثت رقبتها خجلاً:

- ما تكسفينيش بقى خليني أركز في الموضوع المهم.

- ها ... اتكلمي.
- عمي ماهر ... أنا كلمته في التلفزيون وهو قالي إنه هيكلم بابي بس عايز يشوفك الأول؛ عشان يتأكد من إنك إنسان كويس... قاطعتها باندعاش:
- مش ده اللي حكيتلي إن في حرامي دخل عليه ودبحه... قاطعتني باستنكار:
- تَفِّ من بُقك ... الثاني الله يرحمه عمي شاعر ... هما تووم شَبَه بعض أصلاً في الشكل والصوت وكل حاجة... ما كَانْش في حد يعرف يفرقهم عن بعض، وهما أكبر من بابي، وكانوا متعلقين ببعض جداً وما بيسبوش بعض، وكل واحد منهم في حالة وغلبان في بعضه كدا، وده خَلَّى جدي الله يرحمه لما بقى عندهم ١٨ سنة يقرر إنه يَخَلِّي كل واحد منهم في شقة مستقلة؛ عشان يعتمدوا على أنفسهم وعشان ما يعترضوش اشترى شقتين في عمارة واحدة، واحدة منهم في الدور الثاني والثانية في الثالث ... ومن حوالي عشرين سنة، وفي الليلة المشؤومة دي دخل حرامي على عمي شاعر اللي في الدور الثاني ودبحه... ساعتها جدي حس بالذنب؛ ومات بعدها بيومين وعمي ماهر

جاتله حالة اكتئاب، وما بقاش يخرج من شقته إلا قليل
أوي، بس هو حد جميل غير بابي خالص أنا واثقة إنه
هيرتاحلك، وهيضغط على بابي عشان يوافق وبابي مش
بيرفضه طلب.

— أروحله إمتى؟

— النهاردة الساعة (٧) ... خد العنوان أهّ.

دَسْتُ في جيبى ورقة بها العنوان.

— وإوعى تتأخر عليه؛ عشان بينام بدري وكمان خده على
قد عقله؛ عشان هو ساعات بيحكى قصص خيالية كدة
ما تبقاش غشيم؟

— يا عني هو حد جميل ولا بيتخيل حاجات؟

— الإيتين .

—

فكرت في الأسماء الثلاثة جوهر وماهر وشاكر أسماء قديمة،
وبما أن عمها ماهر لا يخرج من بيته إلا قليلاً؛ فغالباً هو من
الجيل القديم المُحافظ، لذلك فرقت شعري من المنتصف ووضعت
عليه فازلين وجدته بداخل علبة في المطبخ ... غالباً أمي تخفيه

حتى تجعل شعرها لامع ... ارتديت بنطال أسود وقميص أبيض بدون ألوان؛ حتى أكون جاهز لمقابلته، ويأخذ عني انطباع أنني أشبه شباب زمان وفي من بركاتهم، عندما وصلت وجدت رجل أربعيني أقرع، قمحي اللون، عريض الصدر، يجلس بفانلة بيضاء حمالات في بلكونته ويدخن سيجارة... ناديت عليه:

- عمو ماهر؟

هز رأسه موافقةً وسألني:

- انت حزين؟!

-أيوه ...

- اتفضل اطلع.

قال جملته وهو يبتسم ... بداية جيدة هذا الرجل وجهه به بشاشة مطمئنة ... الآن عرفت جوجو وجهها بشوش لمن ... أخذت أصعد سلالم الدرج ثم وقفت أمام شقة في الدور الثاني العلوي، بابها أخضر غامق، وسألت نفسي هل هو في الدور الثالث أي هذا الدور أم الثالث علوي؟!

هل أنزل مرة أخرى إلى أسفل وأتأكد منه أم أتصل بجوجو ، لكنه فتح باب الشقة الأخضر وخرج منها ورحب بي:

- تعالى يا حزين.

وجدته يرتدي قميص أسود وبنطال أسود ... غالباً ذوق هذا الرجل وأدبه جعلاه يبذل ملابسه، ولا يقابلني بالفانلة البيضاء؛ احتراماً ليّ ، حيّاني ... ورحب بي بشدة وأدخلني الشقة ... الشقة مستطيلة الشكل، عندما تقف على الباب سترى أمامك في أقصى الجهة المقابلة البلكونة وقبلها هناك مساحة مربعة لاستقبال الضيوف موضوع فيها مقاعد أنتريه قديمة الطراز، وما بين البلكونة والجزء المربع يوجد غرفة موصدة وأخرى مفتوحة، كمية التراب كبيرة تغطي كل شيء في الشقة، وكأن لها ثلاث سنوات لم تتظف أو يدخلها أحد، فبدأ بالكلام يشرح ليّ:

- أنا عايش لواحدي عشان كدة الشقة بقالها كثير ما تتنفضتش ... وحياة العزوبية صعبة يا بني عشان كدة لازم تتمسك بجوجو، وما تسيبهاش غير لما تتجوزها وأنا هساعدكم .

انشرح قلبي من هذا الكلام الجميل:

- يا سلام حضرتك يا عمي وفرت عليّ كثير أوي ... أنا بصراحة كنت بحسب حضرتك هتعاملني زيّ المعلم جوهر أخوك، بس فرق كبير بين معاملتك ومعاملته .

- يا حزين صوابك مش زي بعضها، وعلى فكرة بقى جوهر طيب، هو بس عصبي وشغل السوق خلاله ما بيتقش في حد، لكن لما يبقى حماك هتجبه جداً دنتا ممكن تروح تشتكيه مني أنا شخصياً هعهعهعهه.

- العفو يا عمي ... أنا بس عايزه يعرف ... إني بحب بنته جداً... وروحت اتقدمتلها وأنا مش جاهز عشان محدش غيري يسبقني.

- هيحصل وهتتجوزها وأنا بنفسي هكلمه... بس ... أنا ليا عندك خدمة ؟

- إنت تؤمّرنى يا راجل يا جدع يا طيب يا ذوق.

أخرج سكيناً كبيراً ملطخاً بالدماء، ذا يدٍ صفراء من تحت كنية الأنتريه!

- إنت هتاخذ السكينة دي، وهتطلع الشقة اللي فوق تخبط عليها، هيفتح لك أخويا تروح مكثفه وتدبجه بسرعة.

استمعت إلى كلامه وعلى وجهي ابتسامة إعجاباً بخيالة الواسع وقدرته على المزاح وقت الجد. هنا قطعت جوجو كلامه برنة على تليفوني، رفعت له الهاتف، وأشرت له أنها جوجو تريد

أن تطمئن على موضوعنا، طلبت منه أن يحدثها كمفاجأة لها
ويطمئنها، ولكنه حرك رأسه رفضاً. رفعت الهاتفون على أذني
ورددت عليها:

- أيوه يا حُبي.

قبل أن أتذكر أن عمها موجود.

- أيوه يا جوجو ما تخافيش أنا قاعد مع عمك وفعالاً
زيّ ما قولتيلي، راجل كويس جداً ودمه خفيف بشكل...
قاطعتني وهي تصرخ فيّ:

- اللّهُ يخربيتك عمي لسه مكلمني، وبيقولي إنه شاورلك
من البلكونة، وبعد كدة اختفيت روجت فين يا منيل، أكيد
دخلت عند حد غلط... رددت عليها بثقة:

- يا بنتي إزاي مش عمك ده أقرع وعريض من فوق كدة
واسمه ماهر؟!!

أخذ هو المبادرة، وقال لي أنا مش ماهر أنا شاكر ... صَمَتُ
بُرْهَة قبل أن أستجمع ما يقولوه وأفهم .

- آها ... حضرتك أنا كنت فاكر غلط بقى... كنت فاكر إن
شاكر هو اللي إتقتل!

- أيوه يا ابني منا القتيل .

ارتعشت يداي وسقط الموبايل مني على الأرض المتسخة ...
قبل أن أتمالك نفسي:

- حضرتك بتعمل فيا مقلب صح ؟

- يا ابني هو أنا أعرفك! طيب هببتك ...

أخذ السكينة وذبح بيها نفسه بسرعة؛ فطار دمه بغزارة على
الأرض والمقعد المجاور والموبايل الساقط ... وأخذ يكلمني وهو
ينزف بسرعة، ولكن صوته هاديء كأنه يستجم على الشاطيء!

-ها اتأكدت إني القتيل؟!

هززت رأسي يميناً ويساراً وإلى الأعلى والأسفل ... أنا مش
عايز أتجوز ... أنا هروح.

-يا بني إنت خايف مني ولا إيه؟ أنا روح ... شبح يا عني مش
عفريت فاهم؟

-انت فاكر إنك بكدة طمنتني؟

- ركز عشان فاضلي سبع ساعات بس وهرجع ثاني ومش
هنزل غير السنة الجاية ...

استطرد كلامه:

- أنا عايزك تدبح أخويا؛ عشان يموت بنفس الطريقة اللي أنا مُتٌ بيها؛ وبكدة يجيني في نفس المكان ونعيش مع بعض.
- طيب روح قوله كدة ... إفرض هو ملوش مزاج يندبح!!
- مهو أنا خايف أظهر له؛ يموت من الخضة وده راجل عنده القلب ... وما نبقاش مع بعض لازم يموت بنفس الطريقة.
- خلاص إدبجه انت.
- ما ينفعش أنا شبح مش زومبي، ما قدرش أموت حد أنا أخري أجنن بس.
- واشمعنى أنا؟ ما أنا إنسان مش قَتَّال قُتِّلَة!
- علشان إنت إنسان طيب وشهم، وأنا عايزك تتجوز بنت أخويا، وما فيش غيرك استأمنه على الموضوع ده.

قبل أن أجيب عليه قام من مكانه وأغلق رقبتة التي كانت
لا تزال تتزف بيدها، وكأني أشاهد فيلم لتوم جيري، وأشار ليّ
بالخروج على الفور:

- إمشي دلوقتِي وإوعى تجيب سيرة لحد عن الاتفاق ده
... فاهم؟

- انت خلاص خليته اتفاق!!

- يّلا بسرعة اطلع بره ... وخليك فاكر إن الإنسان منكم يا
دابح يا مدبوح، جريت ناحية باب الشقة فتحته وخرجت
منه أركض ... قبل أن أتوقف وأجد أمامي جوجو بادرتي
وأنا أنهج:

- كنت فين يا متعوس، وإيه اللي حصل ... سمعاك عمال
تكلم نفسك يا آخرة صبري، وإيه المايّة اللي في بنطلونك
دي؟

- مأيّة ... مأيّة إيه؟! ... آه دي عربية طرطشت عليّا ...
هقولك بعدين تعالي نشوف عمك الأول.

صعدنا إلى الدور الثالث علوي حيث وجدناه ينتظرننا، كان
بالفانلة كما رأيته في البلكونة استقبلنا بابتسامة وترحاب:

- هو انت روحك فين؟ ... مش أنا كنت بناديك زوجت فين؟
وبالل نفسك ليه إنت طفل؟ وإيه اللي عامله في شعرك ده إنت
عبيط؟

- أأأأأأ.. أنا ...

- إنت هتأنا ...

- ردت جوجو مكاني :

- هو يا عمي تاه على السلم ... والمأية دي عربية طرطشت
عليه .

- لأ ، أنا لما شوفته مآكأنتش المآية دي عليه ده أكيد عملها
على نفس ...

رَفَعَتْ إِيْدِي وَغَمَزَتْ بَعِيْنِي لَكِي يَسْكُت :

- بنت أخوك واقفة جنبي ... استرني الله يسترك .

- استرك هعهعهعهعهع منا قولت ده أكيد شا ...

- خلاص يا عمي فهمت ...

كانت هذه من جوجو ... قبل أن تلتفت لي وهي مشمئزة:

- أنا فهمت الله يقرفك، كانت هذه الجملة كفيلا أن أضعف،
وأحكي لهما ما حدث:

- أنا بصراحة طلع لي شيخ عمك المدبوح.

-

بنبرة حادة للغاية جاء جواب ماهر عم جوجو:

- يا عني غير إنك عبيط ...إنت كمان مجنون.

- مش مجنون؛ بالأمانة كان لابس أسود في أسود والسكينة

اللي اندبح بيها كبيرة، والمقبض بتاعها أصفر...

تتهدت ... لألتقط نَفْسِي قبل أن أكمل:

- كان عايزني أقتلك عشان تتقابلوا بعد كدة.

قام عمها، ووقف، ووجه كلامه لابنة أخيه وبغضب صرخ

فيها:

- أنا أصلاً راجل حمار؛ إني سمعت كلام واحدة زيك وقعدت

مع الحيوان ده ... إنتي تنسي الموضوع تماماً.

- وأنت قوم اطلع بره.

نزلنا من عنده أنا وهي، حاولت إثبات أني صادق ولست

بكاذب أو مجنون:

- أنا هقولك على حاجة عشان تتأكدي ...أنا كنت بكلمك
من موبايل وهو مش معايا دلوقتي، لأنه وقع مني وجه
عليه دم بتاع عمك شاكر لما دبح نفسه قدامي ...

- !.....

- ها صدقتيني؟

أشارت بيدها اليمنى على جيب بنطالي... وهي تستدير
وتشيع بوجهها عني.

-حُزين، تليفونك في جيبك أهو!

وضعت يدي في جيبي وجدته، رفعته ولم أجد به آثار دماء
... استدرت وتركتها ... وصلت البيت، عقلي مُشتت، أسترجع ما
حدث، هل كانت هذه تَهَيُّؤَات بسبب تأثري بقصة عمها المذبوح أم
أن هذا حدث بالفعل؟ والأهم هل زواجي بجوجو بات مستحيلاً!
بعد ساعتين رنّ تليفوني برقم جوجو وعلى عكس المُتَّوَقَّع،
كانت سعيدة للغاية:

- حوحو... ليك عندي أخبار حلوة أوي... عمو ماهر كلم
بابا وبابا قال هيديك فرصة تانية ... رديت بذهول:

- معقول ... ده عمك تقريباً طردني!؟

- لا يا حُزِين هو طردك فعلاً ... بس ما عرفش إيه اللي حصل ... ده حتى بابي كان بيتكلم عنك كويس دلوقتي ... أنا مش قولتلك بابي ما بيرفضش لعمو ماهر طلب.

بعدها مباشرة تلقيت مكالمة من رقم غريب ...

رديت:

-إزيك يا حُزِين ...

هذا كان صوت الرجل المذبوح، الآن فهمت ما حدث هذا المذبوح اتصل بجوهر أبو جوجو، وأقنعه بيّ كعريس؛ حتى يجبرني ويبتزني لكي أذبح أخيه ... لكن من الواضح أنه لا يعرف من هو حُزِين؟!

- بص يا عم الشبح مش أنا اللي أخاف واتهدد، ولا يُمكن ابتزازي ... أنا حُزِين لا أُشباح تهمني ولا عفاريت تلمني فاهم؟

- لا يُمكن ابتزازك ... ده بأمانة ما عملتها على نفسك يا فسل.

أحياناً مواجهة الإنسان بالحقيقة تكون أصعب من إصابته بطلقة في الرأس .

-!
- عموماً أنا ماهر، مش شاكر، وعايذك تجيني حالاً ...
عشان موضوع جوغو وموضوع تاني.
- يا عني إنت مش شبح ولا روح؟
- هو في شبح بيتكلم في التليفون يا بني آدم!
- آه عندك حق، ربع ساعة وهجيلك بس تستتاني على باب
العمارة العجيبة دي ... اتفقنا؟
- اتفقنا .
- استاجرت تاكسي وذهبت إليه، وجدته ينتظرنى واصطحبني
إلى الدور الثالث العلوي حيث شقته وكان حوارنا:
- بص يا حزين أنا طلعت جدع معاك وكلمتلك أخويا جوهر
عشان موضوعك وطلب يقابلك تاني، وممكن أخليه يوافق
على الجواز بكلمة واحدة مني إني أقوله أن دي وصيتي
الأخيرة.
- وصيتك الأخيرة؟!
- مهو هو ده الموضوع التاني؛ أنا عايذك تدبطني.

— إيه؟!

— هَفَهَمَكْ؛ إنت بعد ما مشيت ظهر لي شاكر، وفهمني إنه بيظهر يوم الحادث من كل سنة، يزور المكان اللي اتقتل فيه، وبعد كدة يتعرف على أحوالنا ويرحل في سلام ... أما المرة دي هو كان عايز حاجة... وقال لي هو كان عايز منك إيه... وأنا مقتنع بكلامه وعايزك تنفذه وتدبحني.

— ؟؟؟؟؟؟؟

— إنت معايا يا حُزين ولا روحت حتة تانية؟

— أنا ماقدرش أعمل كدة ... كانت هذه جملتي قبل أن ينفع عليّ:

— ده مش بمزاجك ده غصب عنك ... شاكر قالك ما تقولش لحد، وإنت قولت وأنا اللي حايشه عنك ده غير إنك لو ما عملتش كدة؛ تنسى جوجو خالص ... أخرج من حقيبة جلدية سوداء السكينة الكبيرة ذات المقبض الأصفر الملطخ بالدماء.

— يلا يا حُزين استهدى بالله وقوم ادبحني!

— إنت متأكد من اللي بتقوله ده؟

- طبعاً أنا أخذت حبوب منومة، قبل ما إنت تيجي ومفعولها اشتغل هروح أمدد على سريري، وإنت تيجي ورايا وتتسحب براحة، وتروح غارز السكينة في رقبتي وبعد كدة تفصل الراس عن الجسم؛ عشان يحصل اللي حصل في حادثة أخويا بالظبط ونرجع نعيش مع بعض.
- بس لو أنا عملت كدة ... هتَشْنِقِ أو على الأقل هدخل السجن وما حدش هيصدقني ومش هتجوز جوجو.
- ما تخافش أنا سايب ورقة بخط إيدي بتقول إني قررت الانتحار، وأجرت قاتل محترف وبكده نبعث الشبهة عنك، ووصيت جوهر يجوزك جوجو...

يا عني أنا مسهك كل حاجة وبعدين يا سيدي هو مش من الحب ما قتل؟

- قتل إيه حضرتك ... أنا عصير الطماطم بخاف منه!
- أنا ما بحبش أقول الكلام مرتين إنت كدة مش هتوصل لجوجو؛ وهتجنن ... وأنا ما بهددش؟
- حضرتك أنا ما بستحملش أشوف حد بياخذ حقنة قدامي؟

- وإيه اللي جاب سيرة الحقن ... دي حاجة، ودي حاجة
تانية، ما تخافش بس إنت قول ((بسم الله...الله أكبر))
والسكينة هتمشي معاك .

-! أحاول .

- ما فيش تحاول لازم تنفذ ... أنا هسبقك على الأوضة
وإنت خمس دقائق وتيجي!

هزرت رأسي موافقةً ... دلف هو إلى حجرة نومه ... وبعد
خمس دقائق دخلت وجدته ممدًا على سريريه ويغطي نفسه بلحاف
سميك ... رفعت السكين عليه ... وبدأت أقرب بحذر، فجأة رن
تليفونه، فأصدر صوتًا مزعجًا أفزعني ... لا إرادياً وجدتي
أختبئ خلف الستارة ... رد بربع قوة وهو يتشاءب:

- إزيك يا جوهر... وحشني يا أخويا...أنا هبعثك الشهادة
بكرا وحاول تتصرف بطريقتك ... عايز تشوفني ... خلاص تعالى
زرنني بكرا... بس إوعى تجيب معاك الواد المجنون اللي عايز
بنتك ده... إيه؟ .. إيه اللي بتقوله ده؟!... أنا كلمتك وقولتك
وافق عليه؟!... إنت بتتخيل يا جوهر... ده ولد معوق... عمومًا
دلوقتي سيبيني أنام ما تعكرش دمي وبكرا لما تيجي نبقي نتكلم...
سلام .

هذه القصة العجيبة حدثت لي من سنة بالضبط، تفاصيلها لم تتأكل ولو لحظة واحدة من عقلي، من سنة، وأنا لا أعرف هل كان هذا حقيقي أم تخيلات؟! فمنذ خرجت من هذه العمارة لم أعد إليها أو إلى المنطقة مرة أخرى ... كما أنني لم أحك لأحد حتى لا يتهمني بالجنون كما فعلت جوجو وأهلها ... أما جوجو فاستسلمت لرغبة أبيها؛ وخطبت، لم أكن أعرف أنني كنت أُسمَّنها لغيري!

ماذا؟! هاتفي يرن برقم اتصالات وأخره ٧٧ أعرف هذا الرقم جيداً، إنه رقم جوجو، هل انفصلت عن خطيبها وتريد أن تُعيد قصة حبنا القديمة؟ في هذه الحالة سأصون كرامتي كما تقول أم كلثوم، ولكن عليّ الأول أن أرد عليها، وسوف أظاهر أنني نسيتها؛ حتى أشعرها أنها ليست في بالي وأن ألف فتاة غيرها تتمناني .

- ألو، مين معايا؟!

ردت علياً بصوت منكسر:

- ألو.. أنا جوجو... نسيتي... إنت فين؟ تعالي بسرعة أنا قاعدة عندكم في الشقة.

سأرد عليها بجملة تمنيت كثيراً أن أقولها: (موضوعنا خلص، إطلعي بره الشقة) .

- أنا جايلك جري يا جوجو.

عندما وصلت الشقة، فتحت أُمي الباب قبل أن أسألها عن

جوجو:

-إتأخرت ليه؟! ده الراجل أبو زميلك مستتيك من بدري،

وقاعد يحكي مع أبوك... لم أتكلم، دخلت وأنا لا أفهم ما يدور

من حولي!!

وجدته ماهر أو ربما عفريت شاكر! نظرت له مذهولاً قبل

أن يطلق أبي جملته:

- كدة تتأخر على الراجل يا حُزين، ده دَمُّه خفيف بشكل ...

هو حكاك النكته بتاعت الإنسان يا إما دابح يا مدبوح قبل كدة؟!

-.....

نطق ماهر أو ربما عفريت شاكر وهو بيتسم ويجز على

أسنانه وتبرق عيناه:

- أنا هَحْكِي هَاله النهاردة... بالتفصيل الممل .. دنا مستتي

اليوم ده بقالي سنة!



obeikandi.com

- بالمناسبة الحلوة دِيَّة؛ خذ كيس الزبالة من المطبخ بسرعة وانزل إِرْمِيه وتعالى.

-.....!



كنا قد رأينا إعلان لشركة بي تي إن إن لطلب موظفين أمن، تقدمنا أنا وأصدقائي الثلاثة أحمد هندي وهيثم وإبراهيم.

وقامت الشركة بعمل اختبارات لنا ولكل المتقدمين، أنا وأصدقائي الثلاثة كنا من الناجحين، بعدها دربونا لمدة أسبوعين قبل أن يتم توزيعنا حسب رغباتنا على أماكن العمل، كل الأماكن المطروحة علينا كانت تتحمل فرد أمن، أو اثنين بالكثير ماعادا قصر مهجور كبير المساحة يحتاج إلى طاقمين حراسة، كل طاقم مكون من ٤ أفراد بحيث يُقيم ويبيت كل طاقم لمدة خمسة أيام في القصر، ثم أجازة لمدة خمسة أيام يتولى فيها الحراسة الطاقم الثاني، ثم يأخذ أجازة وهكذا دواليك، ولذلك هذا القصر رغم أنه بعيدٌ عَنَّا وفي منطقة نائية إلا أنه كان يُناسبنا، حيث تواجدنا مع بعضنا البعض في العمل مثلما كنا في الكلية، هذا القصر ظل مهجوراً منذ أيام الملكية؛ لأن صاحبه تركت البلد وعاشت في فرنسا منذ أكثر من ٥٠ عاماً، قبل أن تشتريه شركة فرنسية منها وتكلف شركة التامين بي تي إن إن بحمايته.

وقعنا العقد مع الشركة وحدد لنا العقيد سمير مدير الشركة-
البدّين - يوماً لاستلام العمل، يومها نزلت من بيتي متحرّكاً إلى
مكان تجمعنا الذي سنستقل منه المترو ونذهب إلى القصر،
مُنْتَشِياً بالعمل الجديد انتشاء ذكر بط مسكوي في يسبح في بحيرة
ممتلئة بالأسماك، أما عن عدم ردي على مكالمات أصدقائي الذين
يستعجلوني، كان أمراً بديهياً؛ فالضابط لا يرد على أحد .

كنت أرتدي زيّ الشركة، قميص بيج وبنطال بني، وقبعة،
ورابطة عنق من نفس لون البنطال... فَرَدْتُ ظَهْرِي وَرَفَعْتُ وَجْهِي
وتحرّكت بخطوات واسعة، ولكن بتمهل، نعم كما جاء في عقلك
بالضبط، كنت واثق الخطى أمشي مَلِكًا، لم تشينني ضحكات
لثيمة، أو كلمات حاقدة من عينه:

- هتفضل طول عمرك تافه يا حزين .

- ربنا يشفي .

أو قشرة يوستفندي يليها تلميذ في المرحلة الابتدائية،
تخترق ياقة قميصي وتنزل مباشرة داخل قفاي من استكمال
سيرتي (الطباطبي)، وصلت إلي أصدقائي وأخذنا المترو، حتى
وصلنا منطقة القصر وانتظرنا مدة طويلة حتى ظهر لنا تاكسي،
فاستقلّناه بعد أن أكد لنا أنه يعرف طريق القصر جيداً .

تحرك التاكسي سريعاً يقطع الشوارع الخالية تقريباً، على يميننا كانت الزراعات، وعلى يسارنا كانت صحراء... وكان علينا اللُّحاق بطاقم الحراسة الأول حتى نتسلم منهم القصر كما طلب منا العقيد سمير، لذلك بادر إبراهيم وسأل السائق:

-لسه كثير على القصر يا سطى؟

أجاب السائق بثقة من لا يذهب لأول مرة:

-خلاص يا باشا ربع ساعة .

كان إبراهيم في الأمام يركب بجوار السائق يُمسك بيديه تليفونه ويُقلب فيه، أما أنا وأحمد وهيثم كنا محشورين في الكنبة الخلفية الضيقة، نستطيع بالكاد أن نتنفس وأنا كنت بين الاثنين...أحياناً أحقد على إبراهيم وأتمنى إن كنت ضخم الحجم مثله.

سألنا السائق بفضول السائقين وهو يبتلع ريقه؟!

- معلش يا بشوات ... إنتو عايزين تروحوا هناك ليه ده قصر

مهجور من سنين ؟

سؤال عادي كان المتوقع أن يكون الرد عليه عادياً، لكن لأنني لم أعد عادياً، مددت يدي وضربت على كتفه وأجبتّه بطبقة صوت أحمد ذكي في فيلم زوجة رجل مهم:

- خليك في حالك .

لكن هيثم نظر لي نظرة عتاب وأجابه :

-احنا من شركة بي تي إن إن ورايحين نأمن القصر...

تعجب السائق، وقال:

-برضو! أصل من كام يوم كدة وديت أربعة، زيكوا كدة، نفس

المكان وقالولي إنهم من نفس الشركة ورايحين يُؤمّنوا القصر.

رد هيثم مفسراً له :

- أيوه القصر محتاج طاقمين حراسة بيدلوا مع بعض كل

خمس تيام.

- كتر خيرهم وخيركم بصراحة مين يستحمل اللي استحملوه

واللي هتسحملوه.

نظرنا له كلنا بترقب... وسأله إبراهيم بصوته الأَجَش :

-قصدك إيه يا اسطى؟؟

رد السائق متعجباً :

-هو انتو ما تعرفوش!؟

بدأ القلق يظهر علينا، فسأله احمد :

- نعرف إيه؟

- مالكم خفتوا ليه، أنا بس قصدي عشان القصر بعيد شوية، وفيه حاجات غالية بقى مطعم للحرامية وقطاع الطرق وولاد الكلب.

حذرت هيثم أكثر من مرة من التكلم مع العامة في الأمور الأمنية، ها هو هذا السائق يشكك في قدراتنا الأمنية.

نطق إبراهيم بصوت عالٍ وكأنه يُطمئن السائق ويُطمئِننا معه:

- ما تخافش أنا معاهم.

انحرف السائق في طريق طويل ظهر لنا في آخره سور القصر، لونه رمادي باهت وبوابته سوداء عتيقة، اقترب التاكسي منها حتى توقف أمامها ... هدأ سرعته وأوقف سيارته وقال وهو يبتسم :

- حمد لله على سلامتكم.

فتح كلٌّ من إبراهيم وهيثم وأحمد الباب ونزلوا، فيما أخرجت أنا عشرين جنيهًا للسائق، في البداية نظر لها ثم مسكها بطرف يده من بعيد، وأخذ ينظر لها بقرف كأنه اصطاد فأرأ، ثم قلبها بين يديه كأنه يشاهد عملة لجُزر الزنجبار، ثم صاح:

- إيه ده أنا عايز ٤٠ جنية وأبقى كارمكم غيري بياخذ
خمسين وستين، نظر له إبراهيم وهو واقف خارج
السيارة، ورفع يده يهدتني قبل أن أرد على السائق وقال
ليّ:

- ما فيش مشكلة أنا هتصرف يا حُزين ... الأسطى برضو
تعب ولفّ جامد معانا.

استدار إبراهيم وتحرك ناحية شباك القيادة حتى أصبح
يجاور السائق تماماً ووضع يده في جيب سرواله، وأخرج منه
جنيهاً معدنياً دَسَّه في يد السائق وهو يقول له:

- تصرفهم في الخير إن شاء الله.

نظر له السائق قليلاً قبل أن يقول:

- إنتو باين عليكم نصابين.

- هنا أدخل إبراهيم رأسه في التاكسي وقال بصوته الأَجَش
وبنبرة تهديد:

- مش عاجبك ولا إيه؟ لو مش عاجبك تعالى نطلع على
أقرب قسم ولا تحب نحلها وديّ وخبط على دريكسيون
التاكسي ... ظهر الخوف على السائق وهز رأسه على

مضض وهو يرجع للخلف... قبل أن يستدير وينطلق
للأمام لكنه توقف وأخرج لنا رأسه وصاح:

هتروحووا مني فين دي الدنيا أوضة وصالة... والأشباح
هتومتكم وهتيجوا عندي.

ثم انطلق، لم نهتم بما قاله ونظرنا أمامنا .

البوابة السوداء كانت مغلقة أعلى يمينها كان هناك جرساً
جديداً، يبدو أن شركة الأمن قامت بتركيبه، ضغطت على زره ...
فيما كان إبراهيم ينادي على ((اللي هنا))، وأحمد حاول الطرق
على البوابة لكن لا أحد يستجيب، قبل أن يرن رقم غريب على
تليفوني استدرت ناحية الشارع واستقبلت المكالمة، الصوت لم يكن
غريباً عليّ وسألني:

— وصلتوا ولا لسه ؟

— أيوه وصلنا إنت مين؟!

— أنا العقيد سمير مدير الشركة.

— أيوه يا فندم... وصلنا بس ما حدش من الطاقم الأول
موجود.

— الطاقم الأول انسحب النهاردة الصبح، من غير إذن
والشركة حولتهم للتحقيق وهتتخذ قرار بفسخ عقودهم،
شايف الشجرة الصغيرة اللي لسه مزروعة على يمين
البوابة الحديد؟

— لأ ... خالص يا فندم مش شايف حاجة.

— خلي وشك للبوابة يا أفندي مش للشارع... التفت وأنا
أتعجب كيف يراني؟!

— أيوه يا فندم شفتها .

— مدفون تحتها مفاتيح القصر... ادخلوا ووزعوا نفسكم زي
الخطبة الأمنية ولو في أي مشكلة كلموني... بالمناسبة في
جنايني بييجي كل ثلاث تيام اسمه شاهين ،ده الوحيد اللي
مسموح له يدخل مفهوم؟

— أوامرك يا فندم .

وضعت يدي أسفل الشجرة وأخرجت المفاتيح وفتحنا البوابة
... وقفنا لثوانٍ ننظرٍ لكِبَرِ مساحة هذا القصر كان عبارة عن
حديقة مربعة ضخمة الحجم، يتوسطها مبنى دائري كبير عبارة
عن فيلا من طابق واحد مغلقة بسلسلة وقفل كبير تحتل ثلث

مساحة الأرض، أطراف الحديقة الترابية بها الكثير من جذور أشجار الفواكه المَقْتَعَة؛ جوافة وتوت ورمان وغيرهم، يصل بين البوابة السوداء الضخمة ومبنى الفيلا الدائري طريق طويل عرضه ثلاثة أمتار من الرخام الأسود، أما في نهاية القصر فيوجد بوابة حديدية سوداء صغيرة ربع حجم البوابة الأمامية تقريباً... وعلى اليمين كانت حجرة مبنية من الطوب الأبيض؛ بالتأكيد هي الحجرة التي سُنبت بها، ذهبنا لتفقدتها فوجدنا بها أربعة أُسِرَّة، وموقد نحاسي وثلاجة صغيرة وتلفاز قديم، وحوض وصنبور وحمام صغير، مع كمية تراب وقمامة وقشر لب غير طبيعية... تساءل أحمد بدهشة عن كل هذا الاتساخ؟ وكان التفسير الوحيد المنطقي هو شاهين الجنائني أو طاقم الحراسة المُنْسَجِب! الشركة نوهت علينا كثيراً في مسألة النظافة؛ لذلك شَمَّرْ هيثم قميصه وقال:

- استعنا على الشقا بالله يا رجاله.

أزلنا كمية تراب رهيبه من الغرفة ومسحناها، كان على واحد منا أن يذهب ويشترى طعام العشاء، ولم تكن هذه مهمة صعبة رغم بعد المسافة إلى أقرب مطعم نحونا، لأن الثلاثة الآخرين بعدما يأكلون سيحرسون البوابتين حتى الصباح، فيما سينام من سَيُحْضِر الطعام هذه الليلة وحتى لا نشاجر مثل

الأطفال قررنا إجراء قرعة، وفاز هيثم بهذه المهمة، وذهب كُلُّ من أحمد وإبراهيم لحراسة البوابة الأمامية الكبيرة، وذهبت أنا لحراسة البوابة الخلفية، بيني وبين أحمد وإبراهيم ما لا يقل عن ٥٠٠ متر، بالإضافة إلى فيلا القصر الدائرية بيننا جعلتني منعزلاً عنهما تماماً... كانت الساعة تقترب من العاشرة مساءً، وبدأت أَنْصُورُ جوعاً، رائحة الأرض هنا مميزة، تشعر أن تراب الحديقة اللين هنا ممتزج بشيء غير الماء لا أستطيع تحديده! فتحت البوابة الخلفية لأرى ما خلفها، وجدت أمامي مباشرة صحراء واسعة خاوية يوجد في آخرها جبل فوقه صخرة على شكل بني آدم، جعلتها النسمات الباردة والظلام وضوء القمر الخافت تبدو كشبح لي، على ذكر الشبح تذكرت كلام سائق التاكسي وهل كان يقول لنا هذا الكلام؛ ليثأر منا أم أنه قال الحقيقة، الرياح بدأت تشتد وجوعي أيضاً، فجأة دخلت إلى أنفي رائحة كفتة مشوية التفت خلفي لعله هيثم عاد بالطعام ...

لم يكن هناك أحد!

بدأ فآرَّ حجمه في حجم إبراهيم صديقي يُداعبني، أغلقت البوابة ووجهت ضوء كشاف في إلى الأمام وناديت أنساءل:

- إنت جبت الأكل يا هيثم؟ ... لم يرد أحد!

لاحظت أن هناك صوت كيس بلاستيكي أو شيء مثله تحركه
الرياح، اقتربت بحذر وأنا أشعر برعشة في قدمي، في هذه الأثناء
رن تليفوني المحمول فأجفلت فزعاً:

- بسم الله الرحمن الرحيم.

تلقيت المكالمة، كان الصوت لهيثم:

- ألو فينك ... سألته؟

- خلاص جاي أجبلك بطاطس مع الفول؟

- ...! فول ... بطاطس! هو انت لسه ما رجعتش؟

- أنا بقولك جاي خلاص.

- أنا تقريباً في مشكلة؛ سامع صوت وشامم ريحة أكل وأنا

واقف لوحدي ..و...

قاطعني وهو يضحك:

- يا جبان.

- لا أنا مش خايف، أنا ظابط ما بخافش، أنا بس قلقان

على إبراهيم وأحمد.

- أكيد بتتخيل بسبب موضوع التاكسي، بص إنت إلزق في

البوابة ومالكش دعوة بحاجة.

- مع نفسك يا مَعْلَم أنا مقتول؛ عايز أنام يا جبان ههههههه،
أومال فين الظابط والحس الأمني، إحنا كلنا عارفين إنك
جبان وأول ما يجي شوية هوا هتسيب البوابة وتجري
علينا هههههههه.

- إمشي... إمشي ولا يهمني .

تطلعت للجبل والصخرة من جديد وأنا جالس على كرسي
أتناول عشائي، بعدها خرجت من البوابة أنظر إلى القصر من
الخارج وأشاهد المنطقة المحيطة به لاحظت أن هناك بيت صغير
من دور واحد قريب من القصر، لكن لم يتضح لي إن كان به ناس،
أم خاوي مثل هذا القصر، هواء الخريف الجميل جعلني أسرح
وَحَرَكَ في عقلي ذكريات أيام طفولتي والمدرسة وكيف كنت أقضي
العيد، ويبدو أيضاً أنه حرك في أمعائي أشياءً أخرى فأغلقت
البوابة وذهبت للحمام.

دقائق معدودة وكنت أتجه للبوابة من جديد، ولكنني توقفت
عندما رأيت رجل يتحرك على مهل، ويحمل في يده مصباح
عمودي مما كانوا يظهرون به في الأفلام، يبدو أنه دخل من
البوابة، اقتراب الرجل جعلني أراه بوضوح، رجل عجوز محني
الظهر يرتدي جلباب صعيدي، يتحرك ببطء شديد، يبدو كأنه

والله أعلم ميت ويحمل بيده المصباح واليد الأخرى يضعها خلف ظهره، فكرت أنني ربما لم أغلق البوابة جيداً؛ فتسلل منها شخص تائه أو لص يمكن مواجهته، أو ربما هو شاهين الجنائني، في كل الحالات سأتصرف بمفردي؛ حتى لا يقول عليّ أصدقائي إنني جبان، اقتربت منه بحذر وبلهجة الضابط الأمرة:

- وَقَفْ عندك يا عم الحاج، هي وكالة من غير بواب، ولا بواب من غير وكالة هي؟!

نظر لي وهو ينهج والمصباح يرتعش في يده، وسألني بصوت رجل إما ميت أو سيموت بعد ربع ساعة:

- أنت مين؟

- أنا اللي مين؟! أنا ظابط ... ظابط أمن هنا ... إنت اللي مين؟ ودخلت هنا ازاي؟ وعايز تسرق إيه؟

رفع يده ليّ بمفتاح يطابق تماماً مفتاح البوابة الخلفية الذي أملكه وأجاب:

- بالمفتاح ده... أسرق ربنا يسامحك يا بني، ده بيتي.

أنزل المصباح على الأرض وجلس بجواره وأخذ ييكي بصوتٍ عالٍ كأنه طفل وهو يردد:

- أُسرق أنا أُسرق... أنا أُسرق .
- خلاص يا عم الحاج ما تزعلش بس إنت هنا ليه؟
- يا بني أنا كل يوم هنا!
- هو انت شاهين؟!
- رد على سؤالي غاضباً:
- شاهين مين!! شاهين ده راجل بياخد فلوس على شغله
اللي زي الزفت... إنما أنا صاحب مطرح.
- ممكن تفهمني بالراحة يا حاج.
- مش هعرف أتكلم وأنا رافع راسي كده يا تجيبلي كرسي،
يا تقعد جنبي .
- جلست بجواره على الأرض:
- وادي قاعدة فهمني بقى.
- شوف أنا اسمي عمك داوود جيت مع فهمي باشا من
الصعيد، فهمي باشا اللي كان صاحب القصر ده، الله
يرحمه بقا كان شاريني بتمن غالي أوي...

— شاريك هههههههه، هو إنت من أيام العبيد والرقيق
هههههههه !

— عديها عشان بتخرج أتكلم عن نفسي.

— حاضر ... كَمَل.

— فهمي باشا كان من عيلة كبيرة؛ أبوه كان وزير أيام الملك،
وكان معاهم جنيهات وأطيان ياماً، وهو راح درس الفلسفة
في فرنسا، بس لما رجع كان عنده إحساس إن أي حاجة
يملكها مش بتاعته وهو ما تعيش فيها؛ وعشان كدة راح
اشترى حطة أرض بعيدة عن قصر أبوه وصمم قصره
الخاص، اللي هو إحنا فيه ده، بس برضه ده ما كفاش
طموحه، وفضل عنده إحساس إنه ماعملش إنجاز في
حياته، ساعتها وأحيدّ -الأيام تسامحه بقا- شار عليه
بقوة الجن ...

انتفضت لما سمعت الاسم.

— مالك خوفت كدة ليه الكلام ده كان زمان، زمان أوي ما أنا
معاك أهة وما فيش حاجة.

— لا لا أنا ما بخافش من حاجة ... كَمَل.

— فهمي باشا عرف منه إزاي يحضر القرين، بس ده ما كفاش طموحه برضه، وجاني في يوم وقال يا داوود أنا هجرب حاجة لو نجحت هتغير تاريخ العالم كله، ولو فشلت يبقى نالني شرف المحاولة، وعمايزك ساعتها تخلي بالك من الهانم الصغيرة والهانم الكبيرة، بس ما رضيش يقولي إيه اللي ناويه، وطلب مني إني أرافق مراته وبنته لحد العزبة في الصعيد؛ عشان بيقوا في أمان، وعزم ناس كتير من قرابيه وأصدقائه البشوات حتى الناس اللي بيشتغلوا عنده عزم منهم كتير، سبعين واحد شباب وبنات وناس كبار ومعاهم أطفالهم، ده غير المجموعة الاحتياطي وعملهم حفلة في القصر ده، أنا كنت حاسس إنه بيدبر ليهم مكيدة؛ عشان يجمع القوة السحرية من دمهم، بس ما كنتش فاهم الموضوع بالظبط وما كنتش اتجرأ أسأله، ولما رجعت عرفت المصيبة (السبعين واحد ومعاهم فهمي باشا مقتولين)، الحكومة ساعتها خبّت الموضوع وقالت إنها حريقة، وما راضيوش يسلموا الجثث لأهلهم؟

— ليه؟

— ليه! ...

- ليه إيه! مش بقولك ما كَأَنش فيهم حته واحدة كاملة،
أكبر حته فيهم كانت أصغر من صباeck الصغير.
- لأ إنت ما قولتليش التفصيلة دي يا عم داوود!
- ما قولتلكش! معلش اعذرني يا بني السن بقى.
- قال لي هذه الجملة وهو يشعر بتأنيب الضمير.
- ولا يهملك يا عم داوود، كَمَل.
- لإن مكانش في حته سليمة من أي جثة؛ الحكومة خَبَّت؛
عشان الناس ما تخافش من المجزرة دي، خصوصاً عشان
كان في كلام إن الجن ليه علاقة باللي حصل، المهم بقى
لأن فهمي باشا كان خيره عليا؛ نفذت وصيته بقيت أخلي
بالي من مراته وبنته وبيته اللي في الصعيد، وكنت كمان
كل مدة أسافر أَشَقَّرَ على القصر ده، لحد ما قامت
الثورة بتاعت الضباط الأحرار، وسافرت الهانم الكبيرة
والهانم الصغيرة فرنسا، وأنا ما بقاليش من ساعتها غير
القصر ده، لأنه في تحف ممكن تتسرق أنا خبيتها في
أوضة سرية، بس برضو ممكن يلاقوها دول حرامية ولاد
حرام، والأهم من ده الذكريات اللي بفتكرها هنا، أجمل
خمس سنين من عمري كانت في القصر ده ، ولما اتقدم بيا

السن وما بقتش حَمَل المشوار سكنت في البيت الصغير
اللي ورا سور القصر؛ عشان أبقى جنب القصر وأزوره كل
يوم، يمكن حتى تكون شوفت البيت ده وانت جاي.

هززت رأسي تضامناً مع هذا الرجل العجوز الأصيل:

— أيوه شوفته من شوية.

— ومن كام سنة عرفت إن الهانم الكبيرة ماتت، ومن كام
يوم عرفت إن القصر في شركة أوروبية اشترته من الهانم
الصغيرة، وهيهدوه ويعملوه برج، على قد ما زعلت، على
قد ما فرحت إن خلاص تميت رسالتي في الحياة.

أكملت له القصة:

— والشركة الفرنسية كلفت شركة الأمن اللي احنا بنشتغل
فيها إنها تحرسه، وكلفتنا بالمهمة دي.

— إنت بتبكي يا عم داوود؟

— أيوه يا بني خلاص دي آخر أيام ليا في القصر...

اقتربت منه ربت على ظهره:

— فرفش كدة يا عم داوود يا ريت الناس كلها مُخلصين زيك.

- تسلّم يا بني.
- إنت جيت إمبراح هنا؟
- أيوه...إشمعني؟
- ما تعرفش طقم الحراسة اللي قبلنا مشيوا ليه؟!
- ما شوفتهمش بس هما أكيد خافوا، مهو في ناس كتير
فاكره إن القصر ده مسكون!
- فكرت لثوان وأجبتة وأنا أشير للفيلا:
هو مش بعد المجزرة اللي حصلت دي ممكن يكون القصر
جوه مسكون بجد؟!
- ههههههههه ما عفريت إلا بني آدم، وبعدين مش كل
العفاريت بتخوف مهو أنا قاعد معاك حسيت بحاجة؟
-! ظهرت علامات الرعب على وجهي...طمأنني
سريعاً:
- ههههههههه إنت خوفت صح، ما تخافش أنا بضحك معاك
مش أكثر.

وينقسم الباقي في مجموعات يتسامرون ويضحكون، القاعة نظيفة للغاية، ورائحة العطور فواحة جميلة، الكعكات والمخبوزات والعصائر والمشروبات كثيرة، وشكلها لذيذ وطازج، رمتهم لدقائق كأني أشاهد فيلم أبيض وأسود ملون، حتى كلمني إبراهيم وهو يرتعش:

- إنا طلعلنا رجل عجوز حكنا عن مدبحة حصلت في القصر وكان عايز ياكلنا التراب؟!
- أنا كمان طلعلني نفس الراجل ... مين الناس القديمة دول؟؟ سألته.
- دول تقريباً الناس اللي كانوا في الحفلة.
- اللي اتفرموا؟!
- آه.
- أنا خايف يا إبراهيم.
- ما تخافش أنا معاك.
- ما أنت شكلك خايف برضو.
- لأ...أنا مرعوب!

وصحابه، ويبدأ الحراس السود يَموتوا في الناس، وبعدين
يَطْلَعُوهم الجنيّة ويفرموهم، وأول ما يبدأ الحرس يَقتلوا في
المعازيم، الحرس اللي بره هيمشوا، وترجع كل حاجة طبيعية
وتقدروا تروحوا بيوتكم، أو تقعدوا زي ما انتو عايزين،
الموضوع مش هيزيد عن نص ساعة.

— هنمشي...هنمشي.

هذه كانت من إبراهيم، سألتها:

— يا حاجة هو انتي ما موتيش معاهم .

— لا أنا كنت من المعزومين الاحتياطين ؛ عشان لو حد ما
جاش، بس كلهم جُمّ وكلهم اتقتلوا واتفرموا .

— يا عني إنتي عايشة وما موتيش معاهم؟

— لأ... تف من بقك ... أنا مت بعدهم .

!!!.....

!!!!

-حد فيكم يمस्क الشنطة دي عشان ثقيلة عليا، وما ينفعش
أنزلها على الأرض دي مستوردة.

حَمَلَتْ عنها الشنطة:

- ربنا يخليك يا ابني ويخليك أمهاتك .
- أمهاتي مين يا حاجة، أنا معنديش غير أم واحدة ويا رب أرجعلها!
- يا ضنايا يا ابني ... إنت معندكش غير أم واحدة! مع أن شكلك ابن ناس وطيب، صحيح يدي الحلق للي بلا ودان .
- قالت هذه الجملة وهي تنظر لأذني فتحسست أذني اليسرى،
وبعدها اليمنى لربما تكون صادقة في كلامها!
- رانت قاعة القصر مرة واحدة بصمت عميق، وخرج علينا رجل أبيض له عيون زرقاء، شعره مصفف على الجنب، يرتدي بالطو أسود، ووقف في منتصف القاعة وبدأ يتحدث:
- يُشرفني يا سادة إنكم تحضروا حفلاتي المتواضعة بالنسبة لمقامكم المجيد، وعشان كده أنا عاملكم النهارده أكبر مفاجأة في حياتكم مش هتسوها أبداً هنروح مع بعض عالم الخلود، عالم المجد والقوة عالم الكولونيل (عذابات بن كراوية)، ثم نظر إلينا وهو يكلم السيدة التي خلفنا:
- حاضر يا ست أم شنكول الصبر بس... اللي انتي عايزاه.

واستكمل كلامه للمعازيم:

- بس الليلة دي أنا مش هضحى بيكم زي كل مرة، احنا كلنا هنضحى بسكان القصر الجداد اللي واقفين عند الست أم شنكول، التفت إلينا المعازيم، بينما بدأ يظهر لكل منهم عين تالثة في نصف جبهته، وقرنان صغيران فوق رأسه.

ووجدنا أم شنكول تكشر فينا وقد ظهر لها عين وسط جبهتها، وقرنان صغيران فوق رأسها هي الأخرى، هل تسمع عن سرعة الضوء؟! إذا لم تكن تعرفها فاعلم أني جريت بها ومعى كلاً من إبراهيم وأحمد وهيثم، اندفعنا نحو البوابة الأمامية للقصر وخرجنا منها ونحن نصرخ، ولكننا وجدنا أمامنا الرجال السود، وكل منهم يُمسك بسكين كبير، حاصرونا في الشارع وأجبرونا على الذهاب إلى اليسار، سمعنا صوت شخص آدمي يُنادي وهو يفتح باب بيته، الذي يتكون من طابق واحد والذي كنت قد رأيته عندما خرجت من البوابة الخلفية، وزعم داوود أنه يسكن فيه:

- تعالوا هنا ما تخافوش قبل ما تموتوا.

لم يكن أمامنا غيره، دخلنا البيت... كنا ننهج، طَمَمْنَا:

-أنا بني آدم طبيعى زيي زيكم ما تخافوش واسمي فتوح، استريحوا، خدوا نفسكم، أول الفجر ما بيأذن كل دول بيخفتوا!

جلسنا عنده ونحن متوجسين أن يكون واحداً منهم قبل أن
يسأله أحمد:

- هو صحيح اللي حصلنا ده؟!

- أيوه صحيح ... من ساعة الحادثة بتاعت المفزعة دي ما
حصلت وجّه المخلوق ده اللي اسمه (عذابات) من العالم
بتاعه بعد التضحية بتاعت السبعين دم، ولقى فهمي باشا
مقتول، وهو سكن في القصر وأي حد بيدخل القصر
بيعمل فيه كدة...

دخلت علينا فتاة صغيرة وهي تفرك في عينيها، بادرها فتوح
والذي على ما يبدو أبوها:

- معلى يا حبيبتي إنتي صحيتي من الصوت، عموما كويس؛
عشان إنتي نمتي من غير ما تتعشي، سلمى على ضيوفنا، دي
نورهان بنتي.

سلمت الفتاة علينا، سلمت عليها رغم أن يدي كانت مرتجفة
وتتصبب عرقاً.

- خلي ماما تحضرلنا العشا وقوليلها عندنا أربع ضيوف.

- ملهوش لازمة التعب ده . قال له هيثم.

— إزاي تلاقىكم على لحم بطنكم من إمبراح، دي حاجة بسيطة انتو بـخلاً ولأً إيه؟

— هو فهمي باشا مات إزاي؟ سأله أحمد.

— في ناس بتقول إن فهمي باشا لما شاف المجزرة اللي حصلت؛ ما استحملش المنظر، فندم على اللي عمله، ودخل بنفسه في المفرمة، وناس بتقول إن الحراس السود اللي فهمي باشا اشتراهم من بلد في إفريقيا؛ عشان العملية دي مخصوص هما اللي غدروا بيه، وعملوا كده وسرقوا الذهب اللي كان في القصر قبل ما يهربوا على بلدهم، بس القصة الأولى اللي متصدقة أكثر، ومن ساعتها (عذابات) سكن بجيشه هنا ...

سأله إبراهيم:

— طيب وانت إيه اللي مقعدك وسطهم؟!

— أروح فين يا أستاذ ده بيتي وبيت عيلتي، هما اللي يمشوا مش إحنا وبعدين هما في حالهم وإحنا في حالنا محفوظين منهم ومحفوظين مننا، هما ملهمش علاقة غير بالقصر، لو حد دخله حرامي أو زبون عايز يشتريه أو حارس زيكم يطفشوه، أو يحفلوا عليه زي ما عملوا معاكم كدة.

- يَحْفَلُوا عَلَيْنَا!

نطقها أحمد بتعجب، قيل أن يشرح له فتوح معناها:

-أصل برضو بيقولوا إن الكلونيل (عذابات) لما جَءَ، وملقاش فهمي باشا لأنه كان انتحر أو اتقتل، حَبُّ يرجع لشغله وحياته، لكن أهله وعشيرته رفضوا؛ فحس بنوع من الإهانة واتصطدم وده اتسبب له في لطف في دماغه وبقى يمشي يكلم نفسه، وبقى يعمل مقالب في أي حد يدخل القصر، ويقعد يضحك زي العيال الصغيرين!

قطعت حديثنا سيدة تدخل علينا يبدو أنها زوجته:

- مساء الخير.
- مساء النور أهلا وسهلاً. رد إبراهيم عليها التحية فيما ابتسمنا نحن لها نحييها .
- خمس دقائق بالظبط والأكل يكون جاهز.
- والله ملوش لازمة التعب ده يا مدام... كانت هذه مني مجاملة، في الحقيقة أنا كنت ميت من الجوع.
- لأ إزاي، ما تقولوش كدة ده واجب، تلافيكم ما كنتوش تعرفوا بالموضوع المهيب ده.

- آه اتصدمنا يا مدام ... دنا لسه مش قادر أصدق إن ده حقيقي، ومتهيا لي إنني بحلم.

- معلىش تجربة وحشة وعدت على خير المهم إنكم كويسين.

ثم وجهت الكلام لزوجها:

- تعالى يا فتوح شيل الصينية، دخل زوجها إلى الممر المؤدى إلى المطبخ، وعاد بصينية كبيرة عليها إناء واحد معدني كبير، وحوله سبع أطباق فارغة، وضعها على طاولة خشبية ثم نادى علينا:

- تعالوا... اتفضلوا.

جلس هو وابنته وزوجته، قبل أن ننضم لهم، مدت الزوجة يدها وأزاحت الغطاء عن الإناء قليلاً، وغرقت في طبق ابنتها طين لين رائحته دماء!

- كُلِّي طبقك كله يا حبيبتي!

- حاضر يا مامي.

تَسَمَّرْنَا نحن الأربعة أمام هذا المنظر، بينما قربت البنت الطبق من فمها وابتلعتة على مرة واحدة، قبل أن تغرف الأم مرة أخرى من الإناء وتضع لزوجها طين لين عليه شيء أسود يشبه حدقة العين:

-عارفك يا حبيبي تموت في عيون جولفدان هانم ...اتفضل.

ثم رفعت الغطاء بشكل كامل عن الإناء ونظرت لنا وهي
تبتسم ابتسامة الساحرة الشريرة:

-انتوا ما بتكلوش ليه؟! أكلي مش عاجبكم؟! فيما ابتلع
الرجل ما في طبقه على مرة واحدة هو الآخر.

- ممكن نمشي؟

كان هذا السؤال من أحمد وهو ينظر للرجل، أنا لم أعد
أشعر بقدمي ولا بأي شيء في جسدي.

تكلت الطفلة، ونظرات الخبث في عينيها والضحكة الصفراء
على شفيتها:

- شكل أكلنا مش عاجبهم يا بابي!

- لأ إزاي يا حبيبتى هما عارفين إحنا بنحبهم إزاي، تلاقهم
بس مكسوفين، يا أم نورهان إعزمي عليهم كويس.

لم أشعر بنفسى إلا وأنا أصرخ بأعلى صوت صدر منى في
حياتي:

-انت طلعت منهم؟!!!!

استقبل الرجل صرختي المتوترة بقهقهه شديدة وانفجرت
أساريه فأكملت:

- طلعت منهم يا ويسخ يا ويسخ...

أدخلت الأم يدها في الإناء وأمسكت بالطين وكورته وأخذت
تقذفه علينا ثم فعلت الإبنة مثلها، وقذفت كورة من هذا الطين
الدامي في أنفي، فصرخت من الألم.

-كُل ده جميل دي فخاد جولفدان هانم فخري.

قالها الرجل ليّ وهو يستمر في قهقهته ويمسك ببطنه من
شدة الضحك وأنا مستمر في شتمه وأنا أصرخ :

-طلعت منهم يا واطي، يا أوطى عفاريت المجرّة... يا ويسخ
يا ويسخ.

يدٌ غليظة جذبتني بقوة من كتفي عرفت فيما بعد أنها يد
إبراهيم، كان يشدني لأخرج معهم من هذا المنزل.

خرجنا وكرات الطين الممزوج بالدماء تتطاير خلفنا، ركضنا
حتى وصلنا إلى الطريق الرئيسي، وتابعا الركض حتى توقفنا من
التعب، لا يوجد أي أحد أو شيء حولنا غير الصحراء والزراعات
وضوء الفجر قد بدأ يظهر. قال أحمد وهو ينهج:

- يلا يا جماعة نكمل، ما تقفوش لازم نبعدهم لحد ما نلاقي أي حاجة توصلنا. صاح إبراهيم:

- مش قادر أتحرك سنتيمتر واحد.

- إحنا شكلنا تهنأ... قالها هيثم وهو يحاول الربط بين أنفاسه المتقطعة.

-

فجأة سمعنا صوت سيارة من خلفنا، ارتجفنا ونظرنا: فوجدنا سائق التاكسي الذي قام بتوصيلنا إلى هذا القصر الملعون، أبطأ سيارته وتوقف وأخرج رأسه من الشباك وبادرنا:

عرفتوا بقى إن الدنيا صغيرة ومسيركم تحتاجوني، هتركبوا ولا هتقضوها جري؟

تحلقنا حول التاكسي واقتربنا من أبوابه، ولكن السائق صاح إيدكم الأول على ١٢٠ جنية أجرة التوصيلة... آه أصلها غليت ولا تحبوا أمشي؟

أخرج كل منا ما في جيبه وأعطيناه الفلوس التي طلبها وركبنا.

- إنت كنت عارف إن ده هيجصلنا؟ سأله أحمد.

- طبعاً كنت عارف، وكنت هقولكم على التعويذة اللي تحميكم
بس لما لقيتكم ما قدرتونيش في فلوس المشوار؛ سيبتكم أنا
أصلاً ساعات ببقى شرير هاهاهاهاهاهاها.

..... -

..... -

..... -

..... -

فقدنا نحن الأربعة طاقتنا على الكلام أو التواصل، وأخذ
كل واحد منا يفكر في هول ما حدث لنا، فيما قام السائق اللزج
بإشعال سيجارة حشيش وأخذ ينفث دخانها وهو يضحك على
اللاشيء ويدندن مع نفسه، حتى انتبهنا إليه وهو يقول:

- آه جالك الموت يا تارك الصلاة... لجنة... ما بيقفوش
هنا ثم سحب نفساً عميقاً من السيجارة... وقذفها من النافذة
بعيداً وحرك يده في اتجاهات مختلفة ينفذ الرائحة.

كان أمامنا لجنة شرطة بها ضابط، على كتفه نسر ونجمة،
وثلاث أمماء شرطة ومجموعة كبيرة من العساكر المسلحين، وثلاثة
عساكر يمسكون بكلاب بوليسية سوداء وحواجز أمنية، وعلى

جانبي الطريق كانت تقف سيارات الشرطة في وضع الاستعداد وعلى الجانب الأيسر كانت هناك مظلة ومنضدة ومجموعة كراسي بلاستيكية ... اقترب السائق للزج من الحواجز الحديدية وتوقف عند الضابط، الذي طلب منا بلهجة أمرية:

- الرخص والبطائق.

أخرج كل منا له بطاقته الشخصية وأعطى له السائق الرخص، تفحصهم سريعاً قبل أن يشير لنا بيده أن نُكمل طريقنا: -اتفضلوا.

حين زفر السائق - اللزج الحشاش - ارتياحاً وبدأ في التحرك، اقترب أمين شرطة من الضابط، ووسوس له بكلمات لم نسمعها ودس في يده ورقة صغيرة، قرأها سريعاً فتغيرت ملامحه وقال بلهجة أمرية غاضبة:

- أوقف يا سطي.

من جديد توقف السائق - اللزج - وتوجسنا نحن!

اقترب الضابط منا وقال بهدوء مكتوم:

- في بلاغ جه دلوقتي من سيادة العقيد سمير رأفت مدير شركة بي تي إن إن للخدمات الأمنية، مفاده أن أربعة أفراد تم

بعدها اقترب منا يتشمنا واحد تلو الآخر لكنه لم يجد أثر
لحشيش؛ فتكلم أحمد بنوع من الثقة:

- يا فندم إحنا زباين عاديين وما لناش دعوة بيه، السرقة
دي لحد لما مشينا ما حصلتش ولا نعرف عنها حاجة.

- تفسروا بياه هروبوكم من القصر في وقت زي دلوقتي، دنتوا
لو مهربتوش بعد السرقة، يبقى سهلتموا الجريمة لغيركم، اعترفوا.
تكلم إبراهيم يرد عليه:

- القصر ده مسكون والسواق شاهد ويمكن حضرتك عارف،
عشان كدة إحنا هربنا منه، قبل المخلوقات اللي فيه ما تموتنا،
والطاقم بتاع الحراسة اللي قبلنا هرب برضه من اللي شافه
والعقيد سمير عارف الكلام ده.
رد الضابط مبتسماً بسخرية:

- هو صحيح في ناس بتقول الحكايات دي بس ده مش معناه
إنها حقيقية، وأنا مش قدامي حد غيركم وهتعترفوا يا عني
هتعترفوا ما تضيعوش وقت العدالة!

اقترب أمين الشرطة - مرة أخرى- من الضابط، ووسوس له
بكلمات لم نسمعها نحن، لكن الضابط أخذ يسمعها وهو يقهقه
لدقائق وينظر إلينا:

في أسرع وقت، أبقوا شوفلكم شغلانه غيرها وسيبوا
الأمن للناس الفاهمة.

- ممكن سؤال يا فندم... لما القصر فاضي من غير
حراسة سنين، مش تبقى غريبة إنهم استوتونا لحد لما
جينا، وعملوا كل ده عشان يسرقوه؟!

كان هذا السؤال مني للضابط، الذي فكر لثوان قبل أن يجيب:

- الموضوع أصله معقد أوي والقضية كبيرة .. وأنا ما
عنديش تعليمات أتكلم عنها مع حد، تابعوا الجرايد وانتو
تفهموا كل حاجة الأيام اللي جاية.

- تقدر نمشي يا حضرة الضابط؟

قالها أحمد للضابط معتمداً على اعتراف السائق وثبوت
براءتينا.

- لا طبعاً، انتو صحيح ما سرقتموش، بس ده ما ينفيش
عنكم تهمة تسهيل الجريمة للصوص، المفروض تتحجزوا
في القسم وناخد أقولكم وبعدين تروحوا النيابة.

- يافندم والله العظيم احنا ما لينا دعوة بأي حاجة،
واضحك علينا وحرمان نشيل حاجة معملهاش!

قالها هيثم وهو في حالة انهيار.

- عارف ... عارف وعشان كدة مش هحجزكم في القسم، هناخد أقوالكم هنا وتروحوا ع النيابة على طول، وكدة يبقى أنا عملت معاكم الصبح، وساعدتكم وده أقصى حاجة ممكن أخدمكم فيها، وفي النيابة شوفولكم محامي شاطر يوقف معاكم، الحكاية مش بالساهل كدة يا أساتذة؛ دي جريمة وجناية سرقة، والقانون ما يعرفش زينب ولا يحمي المغفلين، تعالوا ورايا.

ذهب وجلس على المنضدة البلاستيكية وأشار لنا أن نجلس، كان السائق واقف بجوارنا والكلابشات في يده، وعلامات الضرب على وجهه، وهناك أمين شرطة جالس يمسك قلم وورق المحضر؛ ليسجل ما سنقول، أشار الضابط لأحد العساكر:

- هاتلي مشروبي، وهات كمان للشباب الحلوين دول، زمان ريقهم ناشف وأعصابهم تعبانة؛ من اللي عملته معاهم العصابة بنت العفريت دية هههههه، هبدأ بيك يا تخين يا بو كرش جنان إنت، وأشار لإبراهيم:

- اسمك، وسنك، وعنوانك، وإيه علاقتك بقصر فهمي باشا؟

- إبراهيم محمد عبد الرازق، ٢٢ سنة، ٨ شارع سعد زغلول،
الجمالية ... علاقتي بدأت لما اتعينت في شركة الأمن ...

جاء العسكري ووضع أمامنا خمسة أكواب عصير لونه أفتح
من الفراولة وأغرق من الليمون، العطش جعلني أمسك الكوب،
وأقربه من فمي، ولكنني توقفت فجأة حين سأل أحمد الضابط
بقرف شديد والكوب في يده:

- إيه ده يا فندم !؟؟

رد الضابط عليه بأعرب رد سنسمعه في حياتنا، وهو يضحك:

- نسيت أعرفكم بنفسي أنا الكولونيل (عذابات) يا شوية
كاوركات، وده عصير سلسلة زهر جولفدان هانم، سمعنا خلفنا
صوت العساكر وهم يهتفون بصوت يكاد يمزق آذاننا:

- ونجحنا، ونجحنا، ونجحنا .

وفجأة أظلمت الدنيا من حولنا، لحظات، رغم أن النهار قد
غطى الأفق، وحل الصمت قبل أن يعود النهار، لنجدهم جميعاً
قد بدلوا لبسهم الميري، والأسحلة التي كانت معهم بالبدل الأنيقة
التي رأيناها في الحفلة يمسكون ويشربون من أكواب زجاجية بها
عصير (سلسلة زهر جولفدان هانم) ويقهقهون بصوت عالٍ، ظل
من عرفنا بنفسه أنه الكولونيل (عذابات) على كرسيه الذي تحول

تحتة لعرش من الفضة، كان يجلس عليه بثقة يرتدي بذلة بيضاء لامعه، عليها دبوس أحمر كبير، جعلته يبدو أجمل وأشيك من الآخرين، فيما اختفى التاكسي والسائق، والسيارات والحواجز الحديدية، والكراسي البلاستيكية وسقطنا على الأرض بغتة، فتعالت ضحكاتهم علينا، أخذنا نرمقهم من الأرض بهلع وخوف، اقترب واحد منهم وقال بحماس من هزم كفار قريش لـ(عذابات) الذي يشرب العصير بيد ويدخن سيجار بيده الأخرى:

— نجحنا يا كولونيل، نجحنا، رعبناهم، إنت خِطَطَكْ ما تُخْرُشُ المَائِيَّةُ أَبَدًا.

— طبعاً يا واد... دنا الكولونيل.

ارتفع صوتهم وهم يغنون بصوتٍ عالٍ:

((وحياة قلبي وأفراحه... وهنأه في مسأه وصباحه...))

وحياة قلبي وأفراحه... وهنأه في مسأه وصباحه...

((مالقيت فرحان في الدنيا زى الفرحان بنجاحه))

أخذ ثلاثة منهم يطلقون ثلج الأفراح على أنفسهم، وآخر يفرقع العلب التي تُخرج شرائط ملونة.

حتى توقفوا عن الغناء فجأة وأظلمت الدنيا من جديد
للحظات، وعندما عاد النهار وجدناهم قد تحولوا إلى الهيئة
البشعة ذات العين الثالثة في نصف الجبهة، والقرنين الصغيرين
فوق الرأس، أما الكولونيل (عذابات) فكان له نفس الهيئة لكنه
أضخم من الآخرين، ووجدناه ينظر لنا وزَعَقَّ بصوتٍ عالٍ صَمَّ
آذاننا:

- إنتو لسه قاعدين؟ قومو ووا.

فقفزنا نجري وسط الصحراء ونحن نسمع ضحكاتهم، وهم
يرددون ومن ورائنا:

الكولونيل يا ... يعيش يا ... يعيش ... الكولونيل ... الكولونيل.



حُزِين ... فِي الْقَرْيَةِ

أُمُور صَعْبَةٌ وَمُعْقَدَةٌ وَغَيْرُ مَفْهُومَةٍ حَدَثَتْ لِي فِي الْفَتْرَةِ الْمَاضِيَةِ ... لِذَلِكَ قَرَرْتُ أَنْ أَبْدَأَ حَيَاتِي مِنْ جَدِيدٍ، أَنْ أَبْتَعِدَ عَنِ الْمَدِينَةِ وَصُخْبِهَا وَكُلِّ مَنْ عَرَفْتَهُ هُنَاكَ، وَأَذْهَبَ إِلَى جَدَّتِي فِي الْقَرْيَةِ، هُنَاكَ سَأَسْتَعِيدُ نَفْسِي وَتَتَجَلَّى مَوْهَبَتِي، كَمَا سَبَقُونِي فِي هَذَا الْمَجَالِ أَمْثَالُ الزَّمَلَاءِ تَشَارُلْزْدِيكَزْ وَشَكْسِيرِ وَدُوسْتُوَيْفَسْكِ، وَسَأَبْدَأُ فِي كِتَابَةِ أَوَّلِ أَفْلَامِي.



بَعْدَ رِحْلَةِ سَفَرِ شَاقَّةٍ وَصَلْتُ هُنَاكَ، كُنْتُ قَدْ قَرَرْتُ أَنْ أُنَامَ يَوْمَ وَصُولِي؛ بِسَبَبِ تَعَبِ السَّفَرِ وَلَكِنْ نَظَرًا لِأَنَّ الْجَوْهَادِيَّ، وَعَدَمَ ارْتِبَاطِي بِالْمَسْئُولِيَّاتِ؛ فَقَدْ نَمْتُ أَوَّلَ وَثَانِي وَثَالِثَ أُسْبُوعٍ لِي هُنَا! لَكِنْ صَبَاحَ هَذَا الْيَوْمِ سَيَكُونُ فَارِقًا فِي حَيَاتِي، حَيْثُ اصْطَحَبْتُ قَلَمِي وَأَوْرَاقِي، وَجَلَسْتُ أَسْفَلَ عَمُودِ كَهْرِبَائِي، وَقَدْ صَبَّاحَ الْبَاكِرِ حَيْثُ لَا أَحَدٌ يَمُرُّ مِنْ هُنَا غَيْرَ نَسَمَاتِ الْهَوَاءِ الْفَجْرِيَّةِ الْمُنْعَشَةِ وَالْمُنشِطَةِ لِخَلَايَا الْعَقْلِ وَبَدَأْتُ أَكْتُبُ:

سِينَارِيُو فِيلْمِ ((مَتْر دِيلْفُرِي))

مشهد ١ كافيہ نهار/ خارجي

تُظهِر الكاميرا لنا كافيہ يطل على البحر مباشرة، في وقت الظهيرة يمتلئ بمجموعة من الطاومات المرصوفة على هيئة صفين متقابلين في مساحة الكافية المستطيلة، على كل طاولة شاب وفتاة يبدو عليهم الاندماج في أحاديث العشق وعدم الانشغال بما حولهم، المكان يبدو هادئاً إلا من أصوات أمواج البحر، تقترب الكاميرا من شاب وفتاة سنعرف لاحقاً أنهم أبطال قصتنا الشاب يميل ناحية...

- السلام عليكم يا وُلدي ممكن اقعد جارك؟

لم أكتب أنا هذه الجملة ولكني نظرت فوجدت رجلاً عجوزاً، أقرع، قصير يرتدي عباءة خضراء يمسك عصا خشبية يدها مكعبة يُحدثني ، رددت عليه مبتسماً:

- وعليكم السلام ورحمة الله ... طبعاً، أهلاً يا حاج اتفضل.

- إنت مين يا وُلدي؟!

- أنا حُزين ابن الحاج رضوان.

- آه آه أبوك راجل طيب عارفه، هو كمان يعرفني، قوله

بس الحاج عَرَفَة بَقَّال البلد بيسلم عليك، طبعاً إنت مش

فاكرني؛ أصلك مشيت مع أبوك وانت لسه عيّل صغير،
بتروح المدرسة يا وُلدي؟

— لا يا حاج أنا خَلَصْتُ من بدري وبشتغل كاتب دلوقتي.

امممممم الأيام وحشة بتمر بسرعة يا ولدي ... انت
بتشتغل إيه؟

— كاتب يا حاج.

— وبتروح المحكمة في مصر ... مصر أم الدنيا ... بتلف

فيها؟

— كاتب يا حاج ... كاتب ... مش حاجب.

— امممم وبتكتب إيه بقي؟

— بكتب فيلم دلوقتي.

— أآآآآآ.

قالها وجلس صامتاً لدقائق ، تأملت وجهه جيداً وجدت أن
نصف وجهه الأيمن به أثر لحرق قديم، شعرت أن من الواجب أن
أستمر في الكلام معه، حتى لا يشعر إنه عطلني فسألته:

— وإنت اخبارك إيه يا حاج؟

- أنا حزنان يا ولدي.
- سلامتك يا حاج مالك؟!
- تعرف صلاح؟
- ابن عم رجب؟
- لا ده واد بنتي يا ولدي، مش واد رجب.
- لا ما فتكرهوش ... ماله مش كويس؟!
- كان زيك كدة وطويل وخليوة وأمه عايزاه يروح مدرسة الضباط ... هيبويه... استغفر الله العظيم... دُنيا يا ولدي.
- طيب ... وراح فين؟
- عند الدكتور شحات.
- بتاع النفسية والعصبية ؟!
- آه يا ولدي.
- لا حول ولا قوة إلا بالله إيه اللي جراه؟
- بعد ما خلّص المدرسة راح اشترى ورق كتير وعشرين قلم جاف ... وقال لأمه أنا بقيت كاتب.

- وبكتب أفلام ... شويتن تلاتة ... مخه اتزلق يا ولدي.
- إحم إحم، طب يا حاج بعد إذتك عندي ميعاد مهم جداً بعد عشر دقائق، كنت نَاسِيَه.
- الشارع اللي بعد الجاي، تحت الشجرة المقطوعة، ربع ساعة مشي .
- إيه ده يا حاج ؟
- ده عنوان الدكتور شحات يا ولدي ... ما تسيبش نفسك كدة!
- لَمَلَمْتُ أوراقِي ورحلت دون أن أتكلم نصف كلمة أخرى مع هذا الحاج، الله يخرب بيته يارب، عدت لمنزل جدتي، وجدتها جالسة في غرفتها تقرأ القرآن، عندما رأته قطعت قراءتها وسألته بصوتها الطيب:
- كنت فين يا حُزين بدري كدة؟
- روحت اكتب شوية، بس مع الأسف جاني راجل عاجز قفلي يومي وقفلي السنة كلها كمان.
- مين دا ؟

- واحد معروفش ... اسمه عَرَفَة، قالي إنه بَقَالَ البلد، بس
راجل ممل ... قاطعتني جدتي بعصبية:

- بسم الله الرحمن الرحيم، عَرَفَة البَقَالَ يا حبيبي مات
السنة اللي فاتت، ده أكيد حد بيهزر معاك، هو كان راجل
عجوز؟ أوصفهولي كدة وأنا هعرفه إحنا بلدنا صغيرة.

قلت لها أوصافه وأنا متوتر بعد كلامها:

- راجل قصير، وأقرع، نص وشه اليمين محروق، وكان لابس
عباية خضرا، وساند على عصاية خشب مكعبة من فوق، وكلمني
عن ابن بنته صلاح اللي اتجنن.

صمتت جدتي قليلاً وبان الرعب والفرع على ملامح وجهها
المجعدة:

هو الحاج عَرَفَة الله يرحمه، بس انت تلايقك عشان ما
فطرتش بيتهيالك، أنا هقوم أحضرلك الفطار وأرقيك من عين
الحسود، خرجت جدتي من غرفتها، أما أنا فقد سقطت مغشياً
عليا، ولم أدر بما حولي إلا عندما استيقظت.



استيقظت فوجدت نفسي نائماً على سرير يبدو في مستشفى
أو عيادة، قبل أن أدرك ما أنا فيه، دخل رجل أربعيني يرتدي
بالطو أبيض مجال رؤيتي وبادرني:

- حمد لله على سلامتكم يا بطل.

- الله يسلمك... إنت مين ؟

- أنا الدكتور شحات ، بس ما تعتبرينش دكتور تقدر تعتبرني
صديقك الأنتيم، وما تخافش؛ مهما حكّلي عن الناس الميتة اللي
بتقابلها وبتكلمها مش هعتبرك مجنون، تقدر تسأل عليا أنا حد
لذيذ جداً هعهعهعههع، ها قولي بقا إيه اللي بيحصلك؟

-



ما وراء الحكايات:

❖ استغرق العمل في هذه الحكايات الخمس سبع شهور ما

بين كتابة ومراجعة.

من كواليس الكتاب القادم

- ❖ لمدة ٥٠ يوماً متواصلة عزل الكاتب نفسه عن التحدث مع أي رجل في غير كلمات التحية والسلام.
- ❖ تم السفر لمحافظة وأماكن عديدة منها (الأقصر، أسيوط، الإسكندرية).
- ❖ استغل الكاتب إصابة قَدَمِهِ بتمزق في الأربطة سار عليها لحوالي ١٣٠ دقيقة.

obeikandi.com

من الكتاب القادم ((وينتاجا التي في خاطري))

((في صمت جنائزي كثيب أسود بلون السماء التي لم تُتَرِّ بعد،
وقف سكان حارة زبيبة وشبابها، غارقين، مطرقين، مطأطئين الرقاب،
يربطون أنظارهم بالأرض التي ستحتضن جسد جارهم العجوز بعد
قليل، وإلى الأبد لعلهم يحاولون إدراك كيف ستكون حارتهم بدونه...
علموا أن الأجل سيأتي، توقعوا أنه سيدق باب حارتهم قريباً؛ ليُلبسها
سواد مُسْتَمَد من ظلمة قبر حُفِرَ ليستقر فيه الحاج ربيع... رحم الله
الحاج ربيع الورداني وأسكنه فسيح جناته...))

((لم يكتشف الأولاد، أو فاطمة على قدر محاولاتها بالضبط
ماذا دار بينهما يومها، ومن يومها ثمة علاقة غريبة جمعت
الاثنين؛ حيث يأتيه الدكتور كل أسبوع مرتين تقريباً، ويشرب
خلطة الأعشاب المخصصة التي لا يشرب منها غير الحاج ربيع،
ويجلسان ليتحدثا، أو للدقة فهما يتهامسان بالساعات، ويقهقهان
فيما بينهما، وكأنهما صديقان في مرحلة عمرية واحدة، أو كأنما
تجمعهما مهنة مشتركة، في بادئ الأمر ذهبت نائم النسوة إلى
أن الحاج يضع عينه على الطبيب؛ ليزوجه ابنته بدلاً من زوجها،
لكن هذا الاحتمال انقضى عندما علمن أن الطبيب...)) من قصّة
وَصِيَّةَ الْحَاجِّ رَبِيعِ

يمر بجوارها كل يوم، لكن نظرة المارّ تختلف عن نظرة الزبون، الذي يرى البضاعة ويسأل عنها بثقة؛ شعوراً منه بالخدمة التي يقدمها للبائع، وضع يده في جيبه فلم تخرج إلا بثلاثة وخمسين جنيهاً... دَسَّهْمُ مرة أخرى في جيبه، ودخل المطعم، طلب فرخة بالسلطات، وجلس ينتظر طلبه يُجَهَّز، فجلَّسَتْ مَعَهُ هواجسه تنكزه، وتلكزه، وتهزه كمركب ورقية سقطت في بحر عاصف بلا شاطئ، ما أصاب ابنته إنفلونزا عادية؛ مرض يأتي لكل الناس، فلماذا يجثم عليها كل هذه المدة ١٥! من قصة حلاق الأقصر



((الحياة الوظيفية تبدأ فيها شاباً يافعاً، يملأ الطموح صدرك، والنظرة المشرقة تُغرق عينيك لتصطدمك بالحقيقة، تتذمر في بداية الأمر وكأنك جهاز مناعة يحاول إيقاف هجوم بكتيري عن صاحبه؛ تحرك لسانك بكلمات النقد والاستياء لكل ما حولك ومن حولك، توجه سخريتك لزملائك القدامى، تنتقد نمط حياتهم البائس وحكاياتهم الفارغة... وأنت لا تعلم أنك بيتٌ ضحية للروتين في فترة حضانة المرض، تمر الأيام فتظهر أعراضه عليك، عبر المحاكاة تتعلمه، وتعلمه لغيرك لتجد نفسك رجل قديم يسخر منك الحديث، ترى يوماً فعمرك تحول إلى أضحية تُذبح بسكين، نصله يُقَطَّع ببطء، فتفقد عقلك وأنت تحاول الإجابة على كلمة واحدة تسمى لماذا؟)) من قصة ميدو



((كانت جالسة أمامه، مرتديةً أسفل بلوزتها الصفراء مشدَّةً للبطن، لاحظَهُ عَمَرٌ للوهلة الأولى، كما لاحظَ زيادةً في وزنها عن آخر مرة رآها فيها، شعرت هي برصده لهذه الزيادة؛ فتوترت قليلاً، فابتسم مُطَمِّئاً لها، ألا تخافين ولا تحزني:

- مَالِكٌ متخشبةً ليه ومش بتتطقي؟! عيَّانة لا سمح الله؟!
...ده انتي بتصدعيني كل يوم!

-لأ... خالتو قالتلي متتكلميش.

- آه ... نصايح وكدة ... عشان توقعيني بقى والشوية دول.

مُبْتَسِمةً والخجلُ يَغْمُرُها رَدَّتْ هَدِيلُ:

- همممم.

- بس مش تخنتي حبتين؟

- والله هعمل ريجيم... وروححت الجيم إمبراح وقعدت لعبت

ساعتين، ونَفَسِي إِتَّقَطَعَ ... كنت هموت...

قاطعها (...)) من قصّة على عرشه الذهبي

((دعيني أخبرك، فالرجال يا عزيزتي لا يكون عندما يشعرون بتوعك في معدتهم، لا يفترشون الأرض عندما يصطدم أصبُع قدمهم الأصغر بباب الحجر، أو عندما يجرحهم أحد بكلمة، أو حينما يفوتهم موعد أو قطار أو عندما يستمعون لأغنية عاطفية لا يؤثر فيهم، أو يصرخون حينما يرون صرصوراً طائراً أو فأراً مُسرِعاً؛ الرجال يا عزيزتي لا يكون إلا لثلاثة أسباب: ...))
من قصة (قصة كل يوم)



((على رؤوس الأجيال المتعاقبة من أهلك الودودين؛ لينجبوا
هواءً فيه شفاءٌ للناس التي أرهقتهم دوامات الحياة، فتنتقل
النسمات تداعبهم تخترقهم موزعةً الفرحات، فتمسي المروب
المهموم ضاحكًا، فاغر الفاه، ليؤكد الحقيقة العلمية المثبتة سلفًا،
أن رائحة أريجك أكبر من ولا تساوي أحزاننا)) **من قصة عروس
البحر**



قيد الطبع، الكتابة، التفكير

وينتاجا (اجتماعي).

متر ديلفري.

عشان المركب تجري.

شجرة الدر.

obeikandi.com

شكر خاص لكل من:

والدتي.

السيناريست الإنسان / عمرو سمير عاطف.

الكاتبة / أميرة غريب.

الروائية / شرين هنائي.

الكاتب/ ياسين أحمد سعيد.

الكاتب / أيمن الشايب.

الأصدقاء والزملاء.

مصطفى سامي.

محمود علي.

محمد عامر.

صابرين محمد.

محمود الصغير.

أحمد حسن.

مرودة حسين.

أشرف سعيد .

سها صيري .

محمد عبد المنعم .

ليلى عبد الله .

حمدي حامد .

أحمد الضوي .

الصفحة

الفهرس

٥	إهداء:.....
٧	حُزِين ومصطفى:.....
٢٣	حُزِين يقابل ميا او:.....
٥٥	حُزِين .. في قصة حب:.....
٨٧	حُزِين .. في القصر:.....
١٣٥	حُزِين ... في القرية:.....
١٣٦	مشهد ١ كافيهِ نهار/ خارجي :.....
١٤٣	من كواليس الكتاب القادم:.....
١٤٥	من الكتاب القادم ((وينتاجا التي في خاطري)):.....
١٥٣	شكر خاص لكل من:.....

حقوق الطبع محفوظة للناشر



أطلس

للنشر والإنتاج الإعلامي

يحظر نشر أو اقتباس أى جزء
من هذا الكتاب إلا بعد الرجوع
إلى الناشر